

書

大唐開元禮卷第九十一

嘉禮

皇帝加元服上

卜日 告園丘 告方澤 告宗廟

臨軒行事 謁見太后

皇帝將加元服有司卜日如別儀

告園丘

前一日諸告官清齋於告所諸衛各帥其屬晡後一刻各以其方器服守衛墮門守宮設告官以下次各

於常所設陳饌於內壇東門之外道北南向右校掃
除壇之外郊社令積柴於燎壇如常儀奉禮設版位
於內外並如常儀郊社令率其屬以樽罍篚畢之後
入設皆如常執樽罍篚畢者各位於樽罍篚畢之後
太官令預饌酒脯醢 告日未明四刻太史令郊社
令各服其服升設神席如常 未明二刻諸告官各
服其服郊社令良醞令及實樽罍及玉帛太尊二一
實以明水
為上一實以汎齊次之山罍二一實以玄酒為上一
實以清酒次之玉以四珪有節幣以蒼
未明一刻奉禮帥贊者先入就位贊引引御史太祝
以下入行掃除如常儀質明謁者引告官以下俱就

門外位奉禮帥贊者先入就位贊引引御史以下就
位謁者引告官贊引引執事者以次入就位立定奉

禮曰再拜贊者承傳

凡奉禮有詞
贊者皆承傳

告官以下皆再拜

謁者進告官之左白有司謹具請行事退復位奉禮
曰再拜在位者皆再拜初謁者白請行事太官令出
帥進饌者奉饌陳于東門之外初太官令出太祝跪
取玉幣於篚興立于樽所謁者引告官升自午陛北
向立太祝以玉幣東向投告官受玉進北面跪奠於
昊天上帝神坐俛伏興少退北向再拜謁者引降還
本位太祝還樽所太官令引饌入升自午陛太祝迎

引於壇上設於神坐前蓮豆蓋畢設訖太官令以下

降自東陞復位太祝還樽所謁者引告官詣壘洗盥

手洗爵訖升自南陞詣酒樽所執樽者舉畢告官酌

汎齋謁者引告官詣神坐前北面跪奠爵俛伏興少

退北面立太祝持進於神坐之右東面跪讀祝文祝文

臨時訖興告官再拜太祝進跪奠版於神坐興還樽

所告官再拜訖太祝以爵酌壘福酒一太祝持爵進

告官之右西向立告官再拜受爵跪祭酒遂飲卒爵

太祝進受爵復於坫告官俛伏興謁者引告官降復

位太祝進跪徹豆俛伏興還樽所奉禮曰再拜在位

者皆再拜告官不拜奉禮又曰再拜告官以下皆再拜謁

者進告官之左白請就望瘞位南向立于衆官將拜

太祝執篚進神坐取玉幣祝版降壇南行自柴壇南

陞以玉幣祝版降壇置於柴上戶內奉禮曰可燎東

西面各六人以炬燎火半柴謁者進告官之左白禮

畢謁者引告官贊引引執事者以次出御史太祝以

下俱復執事位立定奉禮曰再拜御史以下皆再拜

贊引引出

告方立

前一日諸告官皆清齋於告所諸衛各帥其屬晡後

一刻各以其方器服守衛壇門守宮設告官以下次
各於常所設陳饌慢於內壇東門之外道北南向右
校掃除壇之內外又為埋培於壇南外壇之內方深
取足容物北出陞奉禮設版位於內外並如常儀郊
社令帥其屬以樽坩罍洗篚幕入設皆如常執樽罍
篚幕者各位於樽罍篚幕之後太官令預饌酒脯醢
告日未明四刻太史令郊社令各服其服升設神
席如常未明二刻諸告官各服其服郊社令良醞令
入實樽罍及玉設太尊二一實以明水為上一實醴
齊次之山罍二一實以玄酒為上一
實清酒次之玉以兩
珪有邸幣以黃色未明一刻奉禮帥贊者先入就

位贊引引御史太祝以下入行掃除如常儀質明謁
者引告官以下俱就位如常贊引引御史以下入就
位謁者引告官贊引引執事者次入就位立定奉禮
曰再拜贊者承傳凡奉禮有詞
贊者皆承傳告官以下皆再拜謁
者進告官之左白有司謹具請行事退復位奉禮曰
再拜在位者皆再拜初謁者請行事太官令出帥進
饌者奉饌陳於東門之外初太官令出太祝跪取於
篚興立於樽所謁者引告官詣壇升自南陞北向立
太祝以玉幣東向授告官謁者引告官進北面跪奠
於神坐俛伏興少退北面再拜謁者引降復位太祝

還樽所太官令引饌入升自南陞太祝迎引於壇上
各設於神坐前籩豆蓋畢設訖太官令以下降自東
陞復位太祝還樽所謁者引告官詣壘洗手洗爵
訖升自南陞詣酒樽所執樽者舉畢告官酌醴齊謁
者引告官詣皇地祇神坐前北向跪奠爵俛伏興少
退北向立太祝持版進於神坐之右東向跪讀祝文
祝文臨時撰訖興告官再拜太祝進跪奠於神坐興還樽
所告官再拜訖太祝以爵酌壘福進一太祝持爵進
告官之右西向立告官再拜受爵跪祭酒遂飲卒爵
太祝進受爵復於坫告官俛伏興再拜訖謁者引告

官降復位太祝進跪徹豆俛伏興還樽所奉禮曰再
拜在外者皆再拜告官不拜奉禮又曰再拜告官以下皆
再拜謁者進告官之左白請就望瘞位謁者引告官
就望瘞位西向立於告官將拜諸太祝各執篚進神
坐前跪取玉帛興降就瘞坎以玉幣置於坎訖奉禮
曰可瘞坎東西面各四人奠土半坎謁者進告官之
左白禮畢謁者引各官贊引執事者以次出御史太
祝以下俱復執事位立定奉禮曰再拜御史以下皆
再拜贊引引出其祝版燔於齋所

前一日諸告官清齋於廟所諸衛各帥其屬晡後一刻各以其方器服守衛廟門守宮設告官以下次各於常所右校清掃內外又為瘞瑁於北門之內道西方深取足容物奉禮設版于內外並如常儀又設望埋位於堂之東北當瘞瑁西向又設奉禮位於瘞瑁東北南向贊者二人在西少退太廟令整拂神幄又率其屬以樽坩罍洗篚纂制幣之篚入設皆如常儀執樽罍篚纂者各位於樽罍篚纂之後太官令預饌酒脯醢 告日未明三刻諸告官各服其服太官令良醞令帥屬入實樽罍及幣

每室犧尊二一實明水為上一實醴齊次之山

罍二一實玄酒為上一實清酒次之幣以白各長一丈八尺 未明二刻奉禮帥贊

者先入就位贊引引御史太祝以下入行掃除訖各就位 未明一刻贊引引太廟令太祝以下宮闈令

入當階間北面西上立定奉禮曰再拜贊者承傳凡禮有詞贊者皆承傳太廟令以下皆再拜升自東陞入開塲室

奉出太祖以下神主各置於座如常儀訖各就位質明謁者引告官以下俱就門外位立定又引入就位立定奉禮曰再拜告官以下皆再拜

其先拜謁者進者不拜

告官之左白有司謹具請行事退復位太官令出帥進饌者奉饌陳於東門之外初太官令出諸太祝俱

取幣於篚各立于樽所謁者引告官升自東陞詣
獻祖廟室戶前北面立太祝以幣東向授告官受幣
進入北面跪奠於神坐俛伏興出戶北面立再拜謁
者引告官以次進奠幣於饗祖以下皆如上儀訖
謁者引還本位諸太祝各還樽所太官令引饌入自
正門升自太階諸太祝迎引于階上各設於神坐前
籩豆蓋畢設訖太官令以下降復位諸太祝各還樽
徹之如式所謁者引告官詣罍洗盥手洗爵訖升自東陞詣
獻祖酒樽所執樽者舉罍告官酌爵罍謁者引告官
入詣獻神祖坐前北向奠爵俛伏興出戶北向立太

祝持版進于室戶外之右東面跪讀文

祝文臨
時撰

訖興

告官再拜太祝進跪奠版於神坐俛伏興還樽所告

官拜訖謁者引告官以次酌獻皆如獻祖之儀

唯不
盥洗

遍獻訖謁者引以告官詣東序西向立諸太祝各以
爵酌罍福酒合置一爵一太祝持爵進告官之左北向

立告官再拜受爵跪祭酒遂飲卒飲爵太祝進受爵

復于坫告官俛伏興再拜謁者引告官降復位諸太

祝各入室跪徹豆俛伏興還樽所奉禮曰再拜在位

者皆再拜

告官
不拜

奉禮又曰再拜告官以下皆再拜謁

者進告官之左白請就坐位奉禮贊者轉就坐

東北位謁者引告官就望瘞位西向立於告官將拜諸太祝各執篚進神坐前跪取幣與降自太階詣瘞瑄諸太祝以祝制幣置於瑄訖奉禮曰可瘞瑄東西面各四人寘土半瑄謁者進告官之左白禮畢謁者引告官贊引引執事者以次出初白禮畢奉禮贊者還本位御史太祝以下俱復執事位立定奉禮曰再拜御史以下皆再拜贊引引其祝版燔於齋所太廟令太祝宮闈令納神主如常儀

臨軒行事

先一日尚舍奉御設御冠席於太極殿中楹之間南

向苑筵紛純如藻席續純加次席黼純守宮設群官次於朝堂太樂令展宮懸於殿庭並如常儀設協律舉麾位於殿上西階之西東向一位於樂懸東南西向鼓吹令分置十二案於建鼓之外乘黃令陳車輅向輦奉御陳輿輦如常儀典儀設文官一品以下五品以上位於懸東六品以下於橫街之南皆重行西面北上設武官一品以下五品以上位於懸西六品以下於橫街之南當文官皆重行東面北上設朝集使位分方於文武官當品之下設諸親位於四品五品之下皇宗親在東異姓親在西設蕃客位各分方於朝集使六

品之南諸州使人分方於朝集使九品之後又設太師太尉位於橫街之南道東北向西上又設典儀位於懸之東北贊者二人在南少退俱西向奉禮設門外位於東西朝堂皆如元日之儀其日諸衛勒所部屯門外列黃麾伏如常郡羣官依時刻集朝堂就次各服其服通事舍人引就朝堂前位侍中版奏請中嚴太樂令令鼓吹令師工人入就位奉禮即設盥洗於阼階東南壘在洗東加勺幕篚在洗西南肆實中加幕上舍奉御設席於東房內近西又張帷於東序外殿中監陳袞服於東房內席上東領立衣纁裳十

二章

八章在衣日月星辰山龍華蟲
火宗彝四章在裳藻粉米黼散

白紗中單黼領

青標襪裾革帶玉鈎黼大帶

素帶朱裏純其外上以
朱下以綠絮細約用組

朱黻三章

龍山

鹿盧玉具劍火珠鏢首白玉雙珮立

組雙大綬六綵立黃赤白纁綠純立質長二丈四尺

五寸首廣一尺

小雙長二尺六寸色同大
綬而首半之間施三玉環

朱鞮赤舄

金飭飭纒

用白罷巾方六寸
屬帶于前兩幅

玉簪兩柳三物同箱在

服上舍奉御設莞筵一紛純加藻席纁純加次席黼

純又在南尚食奉御實醴樽於東序外惟內坵在樽

北實角解柶各一加幕饌陳於樽西籩十二俎三在

籩豆之北設盥洗於樽之東壘在洗西加勺幕篚在

洗東北肆實巾加冕執樽罍籩豆兩在庭罍篚者並絳公服立於所其袞冕垂白珠十有二旒以組為纓色如其綬黹纁充耳玉導寘於箱太常博士一人立於西階下近西東面諸侍衛之官各服其器服俱詣閣奉儀迎典儀帥贊者先入就位通事舍人各引郡官入就陪列位太常博士引太常卿升西階立于西房外當戶北向侍中版奏外辨 皇帝着空頂黑介幘雙童髻雙玉導絳紗袞以出侍衛警蹕如常儀皇帝將出伏動太樂令令撞黃鐘之鐘五鐘皆應協律郎舉麾鼓祝奏太和之樂

凡樂皆協律郎舉麾工鼓祝而後作偃尾戛鼓而後止

皇帝出自西房太常博士引太常卿太常卿引皇帝

每太常卿前導

皇帝即御座南向立樂止

太常卿與博士退立

皆博士先引

於左 皇帝通事舍人引太師太尉入就位

凡太師太尉進退皆

舍人 太師初入門舒和之樂作至位樂止典儀曰再拜贊者承傳群官之在位者皆再拜太師升自西階

太師初行樂作至階樂止太師升立於西階上東面

太尉詣阼階下盪洗盥手外自階東東房內取纒櫛

箱進跪奠於御座西端太師詣御坐前跪奏稱請坐

退復位 皇帝坐太尉進當御坐前少左跪脫空頂

幘置於櫛箱櫛畢設纒與少前東面立太師降盥初

降樂作盥訖詣西階下樂止太師受冕左執頂右執
前升自西階進當皇帝前少左樂作太師祝曰令
月吉日始加元服壽考維祺以介景福乃跪冠興復
西階位太尉進皇帝前少左跪設簪結纓與復位
皇帝興太常卿引皇帝適東房殿中監進徽櫛
纚箱以退皇帝着袞服太常卿引皇帝出即席
南向坐樂止太尉詣序外帷內盥手洗解實醴加柶
覆之而菜立于序內南面太師進受醴面柶進御坐
前北面祝曰甘醴惟厚嘉薦令芳承天之休壽考不
忘訖跪進解興降立于西階下東面於將祝殿中監

帥進饌者奉饌設於御坐前皇帝左執解右取脯
孺於醢祭於籩豆之間太尉取肺一以進皇帝

皇帝奠解於薦四受肺却左手執本右絕末以祭上
左手齊之授太尉太尉加於俎降立于太師之南

皇帝悅手

侍中一人
進悅手

取解以柶祭醴啐醴建柶奠解

於薦東皇帝初受休和之樂作奠解訖樂止太師
太尉俱復橫街南位太師初行作樂至位樂止典儀
唱再拜贊者承傳在位者皆再拜太師太尉出初行
樂作出門樂止侍中前跪奏禮畢皇帝興太樂令
令撞蕤賓之鐘左五鐘皆應太和宮樂作太常卿引

皇帝 皇帝入自東房侍衛警蹕如來儀入訖樂止通事舍人引東西面位者以次出
謁見太后 太后所御殿如常朝見之
其日冠着通天冠服詣 太后所御殿如常朝見之
式尚宮引就殿前北面再拜訖尚宮引出還如常

大唐開元禮卷九十一

大唐開元禮卷九十二

嘉禮

皇帝加元服下

謁太廟 會群臣 群臣上禮

謁太廟

將謁 太廟有司卜日如別儀 前一日 皇帝清齋於太極殿太尉以下清齋所近侍之官應從入廟者各於本司清齋一宿諸衛令其屬晡後一刻各以其方器服守衛廟門與太樂工人俱清齋一宿前三日尚舍直長設大次於 太廟南門之外道西

東向尚舍奉御鋪御坐守宮設文武侍臣次於大次
之後文官在左武官在右俱東向設太尉以下次於
齋坊之內設三師次於侍臣次之東西向前二日太
樂令設宮懸之樂於廟庭東方西方磬簾起北鐘簾
次之南方北方磬簾起西鐘簾次之設十二鐃鐘於
編懸之間各依辰位樹路鼓于北懸之內道之左右
植建鼓於四隅置祝敎於懸內祝在左敎在右設歌
鐘歌磬於廟堂之上前楹之間北向磬簾在西鐘
簾在東其匏竹者立於階間重行北向相對為首凡
皆展而諸工人各於懸後東方西方以北為上南方

北方以西為上右校清掃內外前一日奉禮設御位
於樂懸之南道西北向設太尉以下及御史等位於內
外並如常儀設酒樽之位於廟堂上之前楹間各
於室戶之左北向每室雞彝一鳥彝一犧尊二山罍
二皆加勺鬯皆西上各有坫焉以置設洗於東階東
南北向罍水在洗東篚在洗西南肆篚實以珪執樽
罍篚鬯者各於樽罍篚鬯之後太廟令整拂神幄又
帥府史齋郎以樽坫罍洗篚鬯入設於位其日未
明五刻太官令帥宰人以鸞刀割牲於厨謁日未明
三刻太尉以下各服其服太廟令良醞令各帥其屬

入實樽雖彝犧尊之上尊皆實以明水山罍之上尊實以玄酒齊山罍實太官令帥進饌者實諸籩豆簠簋等未明以清酒

二刻奉禮帥贊者先入就位贊引引御史以下入行掃除如常儀訖各就位 未明一刻贊引引太廟令

太祝宮闈令入自東門當階間重行北面以西為上

立定奉禮曰再拜贊者承傳凡奉禮有詞贊者皆承傳太廟令以

下皆再拜升自東階入開墀室奉出 獻祖以下

神主各置於坐如常儀訖各就位質明謁者引太尉

以下各就門外位太樂令帥工人次就位其升堂生者皆脫屣

於階下納之如式謁者引太尉以下贊引引執事者次入就

位立定奉禮曰再拜太尉以下皆再拜其先拜謁者者不拜

進太尉之左白有司謹具請行事退復位協律郎跪

俛伏舉麾凡取物者皆跪俛伏而取以與奠物則奠訖跪俛伏而與鼓柷奏永和

之樂乃以黃鐘為宮大呂為角太簇為徵應鐘為羽

樂九成黃鐘三奏大呂應鐘各再奏偃麾戛鼓樂止凡樂皆協律郎舉麾工鼓

祝而後作偃麾戛鼓而後止奉禮曰再拜眾官在位者皆再拜謁

者引太尉詣罍洗太尉盥手洗瓚升自阼階詣獻祖

尊彝所執樽者舉罍太尉酌鬱鬯訖登歌作肅和之

樂乃以圜鐘之均自後登歌皆歌圜鐘詣者引太尉入詣獻祖

坐前北向跪以鬯裸地奠之俛伏與謁者引出戶北

向再拜訖謁者引太尉詣懿宗樽彝所執樽者舉幕
太尉取瓚於坵醴鬱鬯謁者引太尉入詣 懿宗神
坐前北面跪以鬯裸地奠之如常儀俛伏興謁者引
太尉出戶北向再拜謁者引太尉次裸 太祖次裸
代祖次裸 高祖次裸 太宗次裸 高宗次裸
中宗次裸 睿宗皆如上儀訖登歌止謁者引太
尉降復位初太尉既升裸太官令帥進饌者奉饌陳
於東門之外謁者引司徒出詣饌所司徒奉獻祖之
俎初太尉既至位太官引饌入自正門俎初入門雍
和之樂作自後酌獻皆作雍和以無射之均自後接神之樂饌堂上皆奏無射

至階樂止饌升諸太祝迎引于階上各設於神坐前
遵豆蓋舉設訖謁者引司徒以下降復位諸祝各還
徹之如式樽所謁者引太尉詣盥洗盥手洗爵訖升自阼階詣
獻祖酒樽所執樽者舉幕太尉酌鬯齊訖樂作謁者
引太尉入詣獻祖神坐前北面跪奠爵俛伏興出戶
北向立樂止太祝持版進於室戶外之右東向跪讀
祝文曰維某年歲次月朔日子孝曾孫 皇帝某太祖
以下稱謹遣太尉封臣名敢昭告于 獻祖宣皇帝
臣某祖妣某氏敬遵恒典禮加元服以令吉辰祇見謹以
一元大武明粢薌合薌其嘉蔬嘉薦醴齊尚饗訖興

太尉再拜初讀祝文訖樂作太祝進跪奠版于神坐
俛伏與還樽所太尉拜訖樂止謁者引太尉以次獻
皆如獻祖之儀唯不盥洗遍獻訖謁者引太尉詣東序西
向立諸祝各以爵酌鬯福酒合置一爵一太祝持爵
進太尉之左北向太尉再拜受爵跪祭酒啐酒奠爵
與諸祝各帥齋郎進俎臠神前胙肉加於俎上又以
籩取稷黍飯與以胙肉共置一俎以飯共置一籩先
以飯授太尉太尉受以授齋郎又以胙肉授太尉太
尉受以授齋郎太尉跪取爵遂飲卒爵太祝進受爵
復于坫太尉與再拜訖謁者引太尉降復位贊引引

御史太祝及執樽鬯篚幕者俱就執事位重行西面
立以俟 皇帝既謁 廟出門太祝等升復位訖登
歌作雍和之樂諸祝各進入室豆出還樽所徹者籩豆各一
少移于登歌止奉禮曰賜胙贊者唱再拜在位者皆
故處再拜太尉不拜樂作奉禮又曰再拜在位者皆再拜樂一
成止謁者進太尉之左白禮畢遂引太尉出贊引引
執事者以次出贊引引御史太祝以下俱復執事位立
定奉禮曰再拜御史以下皆再拜贊引引出工人以
次出其祝版燔於齋坊太廟令太祝宮闈令納神主
如常儀

親謁

前出宮三日本司宣攝內外各供其職前一日守宮設群臣五品以上次於東西朝堂如常謁日晝漏上

水三刻鑿駕出宮發引前七刻槌一鼓為一嚴三嚴

時節前一日發引前五刻槌二鼓為再嚴侍中版奏左相奏裁

請中嚴奉禮設群官五品以上位於東西朝堂如常

文武官五品以上俱集朝堂就次各服其服所司依

圖陳小駕鹵簿發引前二刻槌三鼓為三嚴諸衛之

屬各督其隊與鈸戟以次入陳於殿庭謁者引文武

群官各就位諸侍衛之官各服其器服侍中中書令

以下俱詣閣奉迎侍中奉如式乘黃令進金輅於西閣外

南向千牛將軍一人執長刀立於路前北向黃門侍

郎一人在侍臣之前贊者二人又在黃門侍郎之前

侍中版奏外辦太僕令奮衣而升正立執轡 皇帝

服袞乘輿以出警蹕侍衛如常儀千牛將軍前執轡

皇帝升路太僕卿立受綬侍中中書令以下夾侍

如常黃門侍郎進當 鑿駕前跪奏稱黃門侍郎臣

某言請 鑿駕引發俛伏興退復位凡黃門侍郎奏請皆進 鑿駕

前俛奏具祿官臣 鑿駕動又稱警蹕黃門侍郎與

某言訖跪伏興 贊者夾引以出千牛將軍夾路而趨 駕出承天門

至侍臣上馬所黃門侍郎奏稱請鑾駕權停勅侍
臣上馬侍中前承制退稱制曰可黃門侍郎退
稱侍臣上馬贊者承傳文武侍臣皆上馬諸侍衛之
官各督其屬左右翊駕在黃麾內符寶郎奉六寶輿
殿中監後從侍中中書令以下夾侍於路前贊者在
供奉官人內侍臣上馬畢黃門侍郎奏稱請勅車
右升侍中前承制退稱制曰可黃門侍郎退復
位千牛將軍升訖黃門侍郎奏稱請鑾駕發引退
復位鑾駕動稱警蹕鼓傳音如常不鳴鼓吹不得
喧譁駕過通事舍人引文武群官不從者退就次

以俟謁廟駕至大次迴路東向將軍降立於路左
侍中進當鑾駕前跪奏稱侍中臣某言請降路俛
伏興還侍位皇帝降路乘輿之大次繖扇華蓋侍
衛如常儀通事舍人引三師各就便坐各服其服出
立於大次門外太常博士引太常卿立于大次門外
當門西向侍中版奏外辨皇帝出次華蓋侍御如
常儀侍中負寶博士引太常卿太常卿引皇帝
陪從如式
凡太常卿前導皆至廟門外殿中監進鎮珪皇
博士先引也帝執鎮珪華蓋侍衛停於門外三師迎侍者從入如
常皇帝初入太和之樂作至版位北向立樂止太

常卿與博士退立於左太常卿前奏稱請再拜 皇
帝再拜少頃太常卿又奏稱請再拜 皇帝又再
拜訖太常博士引太常卿太常卿引 皇帝出還大
次初行樂作出門樂止 皇帝出門殿中監前受鎮
珪華蓋侍御如常儀 皇帝還大次侍中版奏請解
嚴將士不得
報離部位 皇帝停大次一刻頃槌一鼓為一嚴
轉伏衛于還塗如來儀三刻頃槌二鼓為再嚴將士
布隊伏侍中版奏請中嚴 皇帝改着通天冠絳紗
褰五刻頃槌三鼓為三嚴文武侍臣詣大次奉迎乘
黃令進金輅於大次門外東向千牛將軍立於路右

侍中版奏外辨太僕卿升執轡 皇帝乘輿出次警
蹕侍衛如常儀 皇帝升路太僕卿立授綬黃門侍
郎奏稱請 鑾駕發引俛伏興退復位 鑾駕動警
蹕如常儀黃門侍郎贊引夾引千牛將軍夾路而趨
至侍臣上馬所黃門侍郎奏稱請 鑾駕權停 勅
侍臣上馬侍中前承制退稱 制曰可黃門侍郎退
稱侍臣上馬贊者承傳文武侍臣皆上馬畢黃門侍
郎奏稱請勅車右升侍中前承制退稱 制曰可黃
門侍郎退復位千牛將軍升訖黃門侍郎奏稱請
鑾駕發引俛伏興退復位鼓傳音 鑾駕動鼓吹振

作而還文武群官導從如來儀駕將至通事舍人引
文武群官進就位以近 駕為上 駕至侍臣下馬
所 鑾駕權停文武侍臣皆下馬千牛將軍降立于
路右侍臣下馬訖 鑾駕動千牛將軍夾路而趨
駕至橫街北當東上閣迴路南向侍中進當 鑾駕
前跪奏稱侍中臣某言請降路俛伏興還侍位 皇
帝降路乘輿以入侍臣從至閣初 皇帝入承天門
舍人承旨勅群臣還 皇帝既入閣侍中版奏請解
嚴叩鉦將士各還本所

會群臣

皇帝見廟之明日會群臣如元會之儀其上壽詞云
具官臣某言伏惟 皇帝陛下吉辰元服禮備樂和
臣等不勝大慶謹上千萬歲壽

羣臣上禮

前一日守宮量設次于朝東堂如常 其日應上禮
之官依時刻各集於次服朝服奉禮先設上禮之官
位於東朝堂之前近南文東武西重行北面相對為
首又設中書舍人位於吏部官之北南向設奉禮位
於文官東北贊者二人在南差退俱西向通事舍人
引應上禮之官就位立定令史二人對舉表案禮部

郎中引就中書舍人前取表投舍人訖引案退奉禮
贊者唱承傳在位者皆再拜中書舍人奉表入進通
事舍人引在位者退

大唐開元禮卷九十二

大唐開元禮卷九十三

嘉禮

納后上

卜日 告園丘 告方澤 臨軒命使

納采 問名 納吉 納徵

告期 告廟 冊名

卜日

將納后有司卜日如別儀

告園丘告方澤

與加元服之儀同 祝文臨
時撰

臨軒命使

將行納采 制命太尉為使者宗正卿為副使吏部

承以戒之

問名納吉納徵告期奉迎並同使

前一日尚舍奉御設

御幄於太極殿如常守宮設群官客使等諸應陪位者次于東西朝堂太樂令展宮懸於殿庭設舉麾位於殿上一位於懸下鼓吹令設十二案乘黃令陳車路尚輦奉御陳輿輦皆如元日之儀典儀設文官一品以下五品以上位於懸東六品以下於橫街之南皆重行西面北上設武官一品以下五品以上位於懸西六品以下於橫街之南當文武皆重行東面北

上設朝集位使各分方於文武官當品之下設諸親

位於四品之下

皇宗親在東異姓親在西

設蕃客位各分方於朝

集使六品之南諸州使人分方位於朝集使九品之後設典儀於位懸之東北贊者二人在南少退西向設使者受命位於橫街南道東副使又於其東少退俱北面奉禮設門外位於東西朝堂如元日之儀

其日諸衛勒所部列黃麾使 如常儀群官依時

刻集朝堂俱就位各服其服通事舍人引就朝堂前位

侍中量時刻版奏請中嚴劔戟近伏入陳於殿庭太樂令帥工人入就位協律郎入就舉麾位諸侍衛之

官各服其器服符寶郎奉寶俱詣閣奉迎典儀帥贊者先入就位通事舍人引群官入就位又引使者及副使立於太極門外道東西面黃門侍郎引主節執幡節中書侍郎引制書案立於_左延明門內道北西面北上侍中版奏外辨皇帝服袞冕御乘輿以出曲直華蓋警蹕侍衛如常儀皇帝將出伏動皇帝出自西房即御坐南向坐符寶郎奉寶置於御坐如常通事舍人引使主副入就位立定典儀曰再拜贊者承傳群官在位者皆再拜侍中前承制降詣使者東北西面稱有制使主副俱再拜侍中宣

制曰納某官某氏女為皇后命公等持節行納采等禮宣訖使主副又再拜侍中還侍位黃門侍郎引主節立於使者東北西面主節以節授黃門侍郎黃門侍郎執節西面授使者使者受付主節立於使者後黃門侍郎退中書郎引制書按立於使者東北西面中書侍郎取制書持案者退自使後西面授使者使者受制書置於案持案者退立於使後中書侍郎退典儀曰再拜贊者承傳群官在位者皆再拜舍人引使主副出持節者前導持案者次之侍中前跪奏稱侍中臣某言禮畢俛伏興還侍位皇帝

降御輿入自東房侍衛警蹕如來儀舍人引群官在位者以次出初使主副乘路備儀仗而行鼓吹備而不作從者乘車以從其制書以油絡網犢車載而行自後皆如之

納采

前一日守宮設使者次於后氏大門外道右南向其日大昕使主副至於后氏大門外掌次者延入次凡賓主及行事者皆公服主人受於廟無廟者受于正寢掌事者布神席於室戶外之西莞筵純紛加藻席畫純南向右彫几使主副出次謁者引立于大門外之西東面北上持

幡節者立于使者之北少退東面令史二人對舉制案立於使副之南執鴈者又在其南俱東面主人立於大門內西向儻者立於主人之左北面受命出立於門東西面曰敢請事使者曰某奉制訪臣某不入告主人曰臣某之女若如人即蒙制訪臣某不敢辭儻者出告入引主人出迎使者於大門之外南北面主人再拜使者不答拜主人揖使先入至於階使者及宗正卿入幡節前導其持案及執鴈者從入幡節立階西之西東面自後幡節皆如之白使者由西階升立於兩楹間南面使副在使者西南持案及執鴈者

在使副西南俱東南面主人升阼階使者前北面立
持案者以案進使副前使副取制書持案者退復
位使副奉制書進授使者退復位持節者脫節衣
使者曰有制主人再拜宣制畢主人降詣階間
北面再拜稽首訖升進北面受制書退以授左右仍
北面立使副取鴈以授使者退復位使者受鴈主人
再拜進受鴈退以授左右仍北面立儂者引二人對
舉容表案進立於主人後少西儂者取表以授主人
主人受進授使者訖退復位再拜持節者加節衣謁
者引使者及使副等階自西階以出制文凡六禮皆以版

長一尺二十博四寸厚八分后案答版亦如之皇帝曰咨具官封姓渾元資
始肇經人倫爰及夫婦以奉天地宗廟社稷謀於
公卿咸以為宜率由舊典今使使持節太尉封某宗
正卿封某以禮納采

答文

皇帝嘉命訪婚陋族備數采擇臣之女姑姊妹則云先臣某官之
遺未開教訓衣履若如人欽承舊章肅奉典訓某官
封臣姓名稽首頓首再拜承制詔

問名

使者既出遂立於內門外之西東面並如納采位初

使者降主人降立於內門內東箱西面儂者進受命
出請事舍使者曰將加卜筮奉 制問名儂者入告
主人臣某之子若如人既蒙制訪臣某不敢辭儂者
出告入引主人出迎使者於門內門外之南北面揖
使者先入就位至於階使者及使副入幃節前導持
案及執鴈者從入使者由西階升立於兩楹間南面
使副在使者西南持案及執鴈者在使副西南俱東
面主人升阼階詣使者前北面立持案者以案進使
副前使副取 制書持案退復位使副奉 制書進受
使者退復位持節者脫節衣使者曰有制主人再拜

使者宣制畢主人降詣階間北面再拜稽首訖升進
北面受制書退以授左右仍北面立儂者引二人對
舉客表案立於主人後少西儂者取表以授主人主
人受進授使者訖退復位再拜謁者引使者及使副
等降自西階以出立於內門外之西使副在南少退
俱東面初使者降主人降立於東階下西面儂者進
受命出請事使者曰禮畢儂者入告主人曰某公奉
制至於某之室某有先人之禮請禮從者儂者出告
使者曰某既得將事敢辭儂者入告主人曰先人之
禮敢固以請儂者出告使者曰某辭不得命敢不從

賓者入告遂引使者主人升立于序端掌事者徹几
改設二筵東上各用莞筵紛純如藻席績純也設觥醴於東房西牖
下加勺幕站在樽北實解二角和二各一盞一豆實
以脯醢在坫北又設洗於東階東南如常施訖設饋
者引主人降迎使者於內門外之東西面揖使者先
入使者入門而左使副從之主人入門而右至階主
人曰請某位升使者曰某敢辭主人又曰固請某位
升使者曰某敢固辭主人又曰終請某位升使者曰
某終敢辭主人升自阼階使者升自西階使副從升
俱北面主人阼階上北面再拜使者及使副西階上北

面答再拜主人受几於序端掌事者內拂几三奉兩
端西面向以進主人東南外拂几三振袂內執之掌
事者一人又執几以從主人主人進西北向使者序
進迎受於筵前東南向以俟主人還東階上北面再
拜送使者以几避進北面跪各設於坐差退於西階
上北面東上俱答再拜立於階西東面南上贊者二
人俱升取解降盥手洗解升實醴加和於解上覆之
面出房南面主人受醴面柄進使者於筵前西北向立
又贊者執解以從使者西階上北面各一拜序進筵
前東南向主人以次授醴使者受俱復西階位上主

人俱復東階上北面一拜送掌事者以次薦脯醢於
筵前使者各進升筵階坐左執觶右取脯擣於醢祭
於籩豆之間各以柶祭醴三始極一祭又極再祭與
各以柶兼諸觶上徧降筵於西階上俱北面坐啐醴
建柶各奠觶遂拜執觶與主人荅拜使者進升筵坐
合奠觶於薦東降筵序位於西階上東面南上掌事
者牽馬入陳於門內三分庭一在南北首西上又掌
事者奉幣篚升自東階以授主人主人授於序端進
西面位掌事者一人又奉幣篚立於主人之後使者
西階上俱北面再拜主人進詣楹間面南立使者序

進於主人之西俱南面主人以幣篚授使者使者受
退立於西階上東面執幣者又以幣篚授主人主人
受以授使副使副受之退立於使者位北之東面主
人還東階上北面拜送使者降自西階從者跪受幣
使者當庭實揖馬以出使者出大門外之西東面立
從者受馬主人出門東面南再拜送使者退主人入
立於東階下西面償者告於主人曰賓不顧矣主人
反於寢使者奉容表詣闕進 制文 皇帝咨某
官封姓兩儀配合承天統物正位於內必俟令族重
章舊典令使使持節太尉封某宗正卿封某以禮問

名

答文

皇帝嘉命使者某重宣 中制問臣名族女夫婦所
生先臣故某官之遺玄孫先臣故某官之遺曾孫先
臣故某官之遺孫先臣故某官之外孫女年若干欽
承舊章肅典制某官臣姓某稽首頓首再拜承制
詔若女祖以上在則直云
某官臣之孫女等語

納吉

前一日守宮設使者次於 后氏大門外如初 某
日大昕使主副至后氏大門外掌次者延入次掌事

者設几筵如初使主副出次謁者引立於大門外之
西東面北上持幡節者立於使者之北少退面令史
二人舉對制案立於使副之南執鴈者又在其南俱
東面主人立大門內西向儻者進受命出請事使者
曰加卜筮占曰從制使某也納吉儻者入告主人曰
臣某之女若如人龜筮云吉辰預在焉臣某謹奉典
制儻者出告入引主人出迎使者於大門之外南北
面主人再拜使者不容拜主人揖使者先入至於階
使者及使副入幡節前導持案及執鴈者從入使者
由西階使者及使副入幡節并立於楹階南面使副

在使者西南持案及執鴈者在使副西南俱東面主人升階詣使者前北面立持案者以案進使副前使副取再制書持案者退復位使副奉制書進授使者退復位持節者退復位脫節衣使者曰有制主人再拜使者宣制畢主人降詣階間北面再拜稽首訖升進北面受制書退以授左右仍北面立使副取鴈授使者退復位使者受鴈退授左右仍北面立儂者二人對舉答表案進立於主人後少西儂者取表以授主人主人受以進授使者訖退復位再拜持節者加節衣謁者引使者及使副等降自西階以

出立於內門之外西使副在南少進俱東面初使者降主人降立於東階下西面儂者進受命出請事使者曰禮畢其儂使者如問名之儀

制文

皇帝曰咨某官姓人謀龜從僉曰貞吉敬順典禮今使持節太尉封臣某宗正卿臣某以禮納吉

答文

皇帝嘉命使者某重宣中制太卜元吉臣陋族卑鄙憂懼不堪欽承舊章肅奉典制某官臣姓某稽首頓首再拜承制詔

納徵

前一日守宮設使者次如初某曰大昕使主副至
后氏大門外掌次者延入次執事者入布幕於內門
之外玄纁束帛陳於幕上六馬陳於幕南北首西上
執事者奉穀珪以俟於幕東西面掌事者設几筵如
初使主副出次謁者引立於大門外西東面北上持
幡節者立於使者之北少退東面令使二人對舉制
案於使副之南東面主人立於大門內西面儂者進
受命出請事使者曰某奉制納徵儂者入告主人曰
奉制賜臣以重禮臣某祇奉典制儂者出告入引

主人出迎使者於大門外之南北面主人再拜使者
不答拜謁者引使者及使副入幡節前導持案者從
入使者入門而左主人入門而右至於內門使主副
立於門西東面北上主人立於門東西面儂者引主
人揖使者先入門至於階使者及使副從入由西階
升立於楹間南面使副在使者西南持案者在使副
西南俱東面主人由阼階詣使者前北面立於主人
揖入門執事者坐啓匱取珪加於玄纁上及牽馬者
從入三分庭一在南北首西上執珪者在馬西俱北
面持案者以案進使副前使副取制書持案者退復

位使副奉制書進授使者退復位持節者脫節衣
使者曰有制主人再拜訖使者宣制畢主人降詣
階門北面再拜稽首訖升進北面受制書退以授
左右仍北面立僮者引二人對舉答表案進主人後
少西僮者取表以授主人主人受以授使者訖退復
位再拜謁者引使者及使副等降自西階以出立於
內門外之西使副在南少退俱東西面初主人受
制書訖左右授玉帛於庭受馬者自左授之以東牽
馬者既授馬自前西而出主人降立於東階下西面
僮者進受命出請事使者曰禮畢其僮使者如納吉

之儀

制文

皇帝曰咨某官姓之女有母儀之德窈窕之姿如山
如河宜奉宗廟永承天祚以立纁珪馬以章典禮今
使使持節太尉封某宗正卿封某以禮納徵

答文

皇帝嘉命使者某重宣中制降婚卑陋崇以上公寵
以豐禮備物典策欽承舊章肅奉典制某官臣姓名
稽首頓首再拜承制詔

告期

前一日守宮設使者次如初 其日大昕使主副至
后氏大門外掌次者延入次掌事者設几筵如初
使主副出次謁者引立於大門外之西東北上持幙
節者立於使者之北少退東面令史二人對舉制
書案立於使副之南執鴈者又在其南俱東面主人
立於大門內西面儻者進受命出請事使者曰制
使某告期儻者入告主人曰臣某謹奉制儻者出
告入引主人出迎使者於大門外之南北面主人再
拜使者不答拜主人揖使者先入至於階使者及使
副入幙節前導持案及執鴈者從入者由西階升立

於楹間東南使副使者面南持案及執鴈者在使副
西南俱東面主人升阼階詣使者前北面持案者以
案進使副前使副取制書進授使者退復位持節者
脫節衣使者曰有制主人再拜使者宣制畢主人
降詣階間北面再拜稽首訖升進北面受制書退
授左右仍北面立使副取鴈授使者退復位使者主
人再拜進授雁退以授左右仍北面立儻者引二人
對舉表案進立於主人後少西儻者退取表以授主
人主人受以進授使者訖復位再拜持節者加節衣
謁者引使者及使副等降自西階以出立於內門外

之西使副在南少進俱東面初使者降主人降立於東階下西面僎者進受命出請事使者曰禮畢其僎使者如納徵之儀

制文

皇帝曰咨某官姓謀於正公卿太筮元龜罔有不臧率遵典禮今使使持節太尉封某宗正卿封某以禮告期

答文

皇帝嘉命使者某重宣中制告曰惟某月某日可迎臣欽承舊章肅奉典制某官臣姓某稽首頓首再拜

承制詔

告廟

有司以特牲告如常告禮

祝文臨時撰

册后

前一日守宮設使者次於后氏第大門外之西如常尚舍尚官設以下次於后氏閣外道西東向障以行惟其日臨軒如命使如納采命使之儀太尉為正使司徒為副奉禮設使者位於大門外之西東向使副及內侍位於使者之北少退俱東向設主人位于大門外之南北面設使者以下及主人位於內門外亦如之設

內謁者監位於內門外主人之南西面內謁者監設
司贊位於東階東南掌贊者二人在南差退俱西向
內謁者監又預真一業於閣外退限使主副乘路持
節備儀仗鼓吹備而不作至 后氏大門外使者降
路掌次者延入次尚宮以下至閣之次內僕進重翟
以下於大門之外次道西東向以北為上諸衛令其
屬布后儀仗如常使者出次謁者引使者以下就門
外位主人朝服出立於東階下西面儂者進受命出
門東西面曰敢請事使者曰某奉 制授 皇后備
物典冊儂者入告遂引主人出迎於大門外北面再

拜使者不答拜謁者引使者入門而左持節者前導
持案者次之主人入門而右至內門外各就位立定
奉冊寶案者進當使副前使副受冊寶持案者退復
位使副以冊寶進授使者退復位內侍進使者前西
面受冊寶東面受內謁者監退復位內謁者監持冊
寶入立於閣外之西東面跪置冊寶於案俛伏興尚
宮以下入閣奉后首飾禕衣其衣服所傅姆贊出尚
宮跪取冊尚服跪取寶綬興進立於 后之右少前
西向司言司寶各一人進於后左少前東向尚宮稱
有 制尚儀贊 皇后再拜 皇后再拜宣冊訖尚

儀又贊后再拜 皇后再拜尚宮奉冊進授 皇后
受以授司寶訖尚儀贊 皇后升坐尚宮引 皇后
升坐南向坐內官以下俱降立於庭重行北向以西
為上立定司贊曰再拜掌贊承傳內官以下皆再拜
訖諸應侍衛者各升立於侍位尚儀前跪奏稱禮畢
皇后降坐尚宮引 皇后入於宮主人儼使者如告
期之儀使者乘路而還詣闕復命

冊文

維年月日 皇帝使使持節太尉封某司徒封某冊

命某官女某氏為 皇后 咨易基乾坤詩首關睢王
化之本實由內輔是故皇英嬪虞 帝道以光任姒
妃周胤嗣克昌 皇后其祗厥德以肅承 宗廟虔
恭中饋盡敬婦道六宮化軌儀於四海皇天無親惟
德是依可不慎歟

大唐開元禮卷第九十四

嘉禮

納后下

命使奉迎 同牢 皇后謝表 朝太后

皇后受群臣賀 會群臣 外命婦朝會

羣臣上禮 皇后廟見 車駕出宮

命使奉迎

其日晡後侍中量時刻版奏請中嚴晡後三刻 皇帝服袞冕出升所御殿宮人侍衛如常儀文武之官五品以上立於東西朝堂如常儀 奉迎前一日守

宮設使者次於大門之外道右設使府及內侍次於
使者次西俱南向尚舍設宮人次於閣外道西奉禮
設使者位於大門外之西東向使副位於使者之南
持案及執鴈者又在南差退持節者在使者之北少
退俱東向奉禮位於使副西南贊者二人在南差退
俱東面又設內侍位於大門外道左西面其日司贊
又設宮人以下位於堂前使主副朝服發朝堂乘輅
持節備儀仗至大門外使者降輅掌次者延入次宮
人等各之次奉迎文武官至宿衛及列鹵簿如常儀
奉請 皇后中嚴量時刻傅姆導 皇后尚宮前引

出升堂宮人等待衛如常儀 皇后將出主婦出於
房外之西南向文武官奉迎者皆陪立於大門之外
文官在東武官在西皆以北為上立定詭謁者引使
者詣大門外位立使副內侍等各就主人立於內外
堂前東階下西向儻者受命出請事使者曰某奉制
以今吉辰率職奉迎儻者入告主人曰臣謹奉典制
儻者出告入引主人出門南北面再拜使者不答拜
謁者引使者入門而左持節者前導使副及持案執
鴈者次之主人入門而右至內門外堂西階間使者
先升立於兩楹間南面使副在使者西南持案及執

鴈者在使副西南俱東面主人升東階詣使者前北面立持案者以案進使副前使取制書持案者退復位使者曰有制主人再拜使者宣制畢主人降詣階間北面再拜稽首訖升進北面受制書退以授左右訖主人再拜仍北面立使副取鴈授使者訖主人再拜進授鴈退授左右仍北面立儂者引二人對舉答表案進立於主人後少西儂者取表以授主人主人授以授使者訖退復位再拜謁者引使副降自西階以出復門外位立定奉禮曰再拜贊者承傳使副主副俱再拜使者曰今月吉日臣某等承制

率職奉迎內侍受以入傳於司言司言受以奏聞尚儀奉請皇后再拜皇后再拜訖主人入升自東階進西面誡之曰戒之敬之夙夜無違命主人退立於階上西面毋誡於西階上施衿結帨曰勉之敬之夙夜無違訖腰輿進皇后再升輿以降尚宮前導六尚以下侍衛如常皇后再升重翟以几姆如景內宮侍從及內侍導引應乘車從者如鹵簿常儀迎使及百官當引從者退隨便立皇后再車出大門外以次乘車馬引從如常

皇帝曰咨某官姓歲吉月令吉日惟某率由典禮今遣使持節太尉封某宗正卿封某以禮

答文

皇帝嘉命使者某重宣中詔令月吉辰備禮以迎螻蟻之族猥承大禮憂懼戰悸欽承舊章肅奉典制某官臣某稽首頓首再拜承制詔

同牢

其日內侍之屬設皇后大次於皇帝所御殿門外之東東向鋪坐如常將夕尚寢設皇帝御幄於所御之殿室內之東東向鋪地席重茵施席重茵施

屏障初昏尚食設洗於東階東西當東雷南北以堂

深壘水在洗東篚在洗西南肆

篚實以巾二爵二

設訖后洗

於東房近北壘水在洗西篚在洗東北肆皆加勺巾

罍饌於東房西牖下豆各二十四簠簋各二登各三

皆加巾蓋俎三搏於室內北牖下玄酒在西加罍勺

南柄

罍夏用絺冬用錫

又搏於房戶外之東庶玄酒站在南

加四爵合盃

其器皆烏漆唯登以陶盃以匏

皇后重翟入門鳴鐘鼓

其鐘鼓所司預陳設鳴鐘鼓者所以聲告外內

鹵簿止於外近侍應從者如

常皇后從永巷至大次前迴車南向施步障畢尚儀進當車前跪奏稱請降車輿退復皇后降車御

與司輿率繖扇等司燈率執燭者俱布列前後 皇
后入就大次嚴整訖尚宮引 皇后詣所御殿門外
之東西向立尚儀跪奏外辨請降坐禮迎 皇帝降
坐尚宮前引詣門內之西東面揖后以入尚食徹樽
罍酌玄酒三注於樽尚寢設席於室內之西東向堯
純紛加藻席績純 皇帝導后升自西階入室即席東
次席繡純對帝壘 向立於樽西南面 皇帝盥於南洗后盥於北洗尚
食帥其屬以饌入設醬於席前菹醢在其北俎三人設
於豆東豕俎特於俎北豆東菹 尚食設黍於醬東稷
稻粱又在東設涪於醬南饌要 設對醬於東對醬后
醬也設

之當 菹醢在其南北上設黍於豕俎北其西稷稻粱

設涪於醬北尚食啓會却於簠簋之南對簠簋於北

啟發也豆蓋 各加三箸尚寢設對席於饌東尚食西

徹于房內 面跪奏饌具興 皇帝揖皇后對席西面皆坐尚食

跪取菹菹孺醢投皇帝又尚食跪取非菹孺醢投皇后

皇帝及皇后俱受祭於豆間尚食又取黍食跪取實於

左手遍取稷粱反于右手授 皇帝又尚食取黍實於

左手遍取稷稻粱反于右手授 皇后 皇帝及皇后俱

受祭於豆間各取肺皆絕末絕 皇帝及皇后皇帝

及皇俱受祭於豆間訖尚食各以肺加於俎司飾二

人以巾授 皇帝及皇后俱悅手訖尚食各跪品嘗
饌訖各移盃置於席上以次授肺 皇帝及皇后皆食
三飯卒食尚食二人俱盥手洗爵於房入室詣酒樽
所酌酒進授 皇帝及 皇后俱授爵祭酒尚食各
以肝從皆奠爵振祭齊之尚食皆受實於菹豆各取
爵飲訖尚儀俱進授虛爵奠於坵再酌如三酌用卷
如再酌尚食俱升東階洗爵升酌於戶外樽進北面
俱奠爵與再拜跪取爵祭酒遂飲卒爵奠爵遂拜執
爵與奠於篚還侍位尚儀北面跪奏稱禮畢興 皇
帝皇后俱典尚宮引 皇帝入東房釋冕服御常又尚

宮引 皇后入幄服尚宮引 皇帝入尚食帥其屬

徹饌設於東房如初 皇帝從者餽 皇帝之饌

皇帝侍者餽 皇后之饌

皇后謝表

皇后至宮之明日服展衣出司言引尚宮尚宮前導
及左右侍從如常升正殿兩楹間北面立又尚儀以
謝表授 皇后尚儀以案於前 皇后置表案上宮
贊贊拜 皇后置表案上再拜訖尚儀以表降殿內
內侍因中書以聞初內侍出門 皇后降殿還寢如

常

禮記

朝皇太后

其日大昕司設 皇太后御坐地席於所御之殿南向尚食帥司膳設側樽概於東房內東壁下加勺罍
蓮一豆一實以脯醢設於樽北又設洗於樽西近北
罍水在洗西篚在洗東北肆 篚實以中罍角其日
斛一角和
皇后夙興夜沐浴尚儀版奏請 皇后中嚴質明六
儀尚及諸侍衛官人俱詣寢殿奉迎尚儀版奏外辨
皇后服禕衣加首飾御輿尚宮前導降自西階以出
侍衛如常至 太后閣外皇后降輿障扇侍從如常
立于西廟東面 皇后將至尚儀奏請 皇太后中

嚴 皇后既至閣外尚儀奏 皇太后外辨 皇太
后服禕衣首飾司言引尚宮尚宮引 皇太后出即
御坐南向坐侍從如常 皇后執筭棗栗脩司言引
尚宮尚宮引 皇后升入^升自西階北面再拜進跪奠
筭於 皇太后坐前 皇太后撫之尚食進徹以東
司引尚宮尚宮引 皇后退北面又再拜司設 皇
后席於牖戶之間近北南向司言引尚宮尚宮引
皇后立於席西南尚食入東房盥手洗觶酌醴加和
面柄出進請 皇后席前北向立 皇后進北面再
拜受醴尚食薦脯醢於席前 皇后升席坐左執觶

右取脯擗於醢祭於蓬豆間以柶祭醴三始板一祭
又板再祭如柶於解而兼興降席北面跪啐醴建柶
興北面再拜進升席跪奠解於薦東興降席司言引
尚宮尚宮引皇后降自西階以出御輿而還侍從如
來儀 皇后出閣尚儀跪奏稱禮畢佺伏興還侍位
皇太后降坐入室如常

皇后受羣臣賀

右如正冬賀儀唯賀辭云具官臣某等言伏惟 殿
下徽猷照備至德膺期凡厥黔黎不勝慶躍

皇帝會群臣

右如正冬會儀唯樂備而不作上壽辭云具官_臣某等
言 皇后坤儀配天德昭厚載克降萬業顯嗣徽音
凡厥兆庶載懷鳧藻臣等不勝慶抃謹上千萬歲壽

外命婦朝會

右如正冬朝會之儀唯賀辭云某位妾姓等言伏唯
殿下坤象配天德昭厚載率土含識不勝抃舞會
辭唯加謹上千萬歲壽

群臣上禮

右如加元服上禮之儀

皇后廟見齋戒

前一日皇后清齋於別殿內官應從入廟者俱齋
一日於廟所諸衛令其屬入晡後一時刻各以其
方器服守衛廟門與太樂工人俱清齋一宿 前二
日舍尚直長設 皇后大次於太廟北門內之西東
向周以行惟尚舍御鋪 御坐尚舍直長又量設內
官以下次於大次之後守宮設外命婦妃主以下次
於廟北門外之西道南北向東上周以行惟又設行
事太尉以下次於齋坊之內太原令設宮懸之樂於
朝廷東方西方磬簋起北鐘簋次之南方北方磬簋
起西鐘簋次之設十二鐃鐘於編懸之間各依辰位

樹路鼓於北懸之內道之左右植建鼓於四隅置祝
敎於懸內祝在左敎在右設歌鐘歌磬於廟堂之上
前楹之間北向磬簋在西鐘簋在東其匏竹者立於
階間重行北面對為首凡懸皆展而編之諸工人各位於
懸後東方西方以北為上南方北方以西為上 前

一日右校清掃內外內謁者監設 皇后版位於樂
懸之北道西北向設外命婦位於其次前北面東上
奉禮設太尉以下及御史等四位於內外並如常儀
設酒樽之位於 廟堂上前楹間各於室戶之左北
向每室彛二樽二

春秋用鷄彛鳥彛犧尊
秋冬用犛彛黃彛著尊

山壘二皆

加勺冪皆西上各有坫焉以置設洗於東階南北向

疊水在洗東篚在洗西南肆篚以珪執樽罍篚罍

者各位於樽篚之後太廟令整拂神幄又帥府史齋郎以樽

坫罍洗篚罍入設位其日未明十五刻太官令帥宰人

以鸞刀割牲於厨謁日未明三刻太尉以下各服其

服太廟令良醞令各帥其屬入實樽罍如式太官帥

進饌者實諸盞豆簋簋等未明二刻奉禮郎帥贊者先

入就位贊引引御史以下行掃除如常儀訖引還齋

所奉禮以下次還齋所未明一刻奉禮帥贊者先入

就位贊引引御史以下入行掃除如常儀訖引還齋

所奉禮以下次還齋所未明一刻奉禮帥贊者先入

就引引太廟令太祝宮闈令入自東當堦間重行北

面以西為上立定奉禮曰再拜贊者承傳凡奉禮者

再承太廟令以下皆再拜升自東階入開堦室奉出

獻祖以下神主各置於坐如常儀訖引還齋所質

明謁者引太廟令以下俱就門外位奉禮帥贊者先

入就位贊引引御史以下入就位太樂令率工人次

入就位其升堂內者皆脫履謁者引太尉贊引引執

事者次入就位立定奉禮曰再拜太尉以下皆再拜

其先拜謁者進太尉之左白有司謹具請行事退復

位協律郎跪俛伏舉麾

凡取物者皆跪俛伏而取以與奠物則奠訖俛伏而後興

鼓祝奏永和之樂乃以黃鐘為宮大呂為角太簇為

徵應鐘為羽樂九成

黃鐘三奏大呂太簇應鐘冬再奏

偃麾戛鼓樂

止

凡樂皆協律郎舉麾工鼓祝而後作偃麾戛鼓而後止也

奉禮曰再拜太尉以

下皆再拜謁者引太尉詣盥洗太尉盥手洗瓚升自

阼階詣獻祖樽彝所執樽者舉冪太尉酌鬱鬯登歌

作肅和之樂乃以圓鐘之均

自後登歌皆作圓鐘

謁者引太尉

入詣獻祖坐前北面跪以鬯裸地奠之俛伏興謁者

引太尉出戶北向再拜訖謁者引太尉詣

懿祖樽

彝所執樽者舉冪太尉取瓚於坫酌鬱鬯謁者引太

尉入詣懿祖神坐前北面跪以鬯裸地奠之俛伏興

謁者引太尉出戶北面再拜訖謁者引太尉次裸以

下諸執事及工人等各入復位登歌作雍和之樂諸

祝各進入室徹豆出還樽所

徹者蓮豆各一少移於故處

登歌止

奉禮曰賜胙贊者唱再拜在位者皆再拜

太尉不拜

樂作

奉禮又曰再拜在位者皆再拜樂一成止謁者進太

尉之左白禮畢遂引太尉出贊引引執事者以次出

御史太尉以下俱復執事位立定奉禮曰再拜御史

以下皆再拜贊引引出工人以次出其祝版燔於齋

坊太廟令太祝宮闈令納神主如常儀

車駕出宮

前出宮三日本司攝內外各供其職其日晝漏上水

四刻 車駕出宮發引前七刻槌一鼓為一嚴三嚴時節

前一日內發引前五刻槌二鼓為再嚴尚儀版奏請

侍奏裁中嚴司贊設內命婦版位於 皇后所御殿閣外道

東重行西向北上內命婦各服其服所司陳小駕鹵

簿發引前二刻槌三鼓為三嚴司賓引內命婦各服

其服就位六尚以下各服其服俱詣室奉迎尚服負璽如式

內僕進重翟於閣外尚儀版奏外辨馭者執轡 皇

后首飾褱衣乘輿以出警蹕侍衛如常儀 皇后

升車仗衛如常六尚等乘車陪從如式司賓引內命

婦退隨近以俟諸翊駕之官皆乘馬駕動稱警蹕如

常不鳴鼓角諸衛前後督攝如常外命婦三品以上

及公主縣主皆先至各就次俱服其器服車駕將去

內侍之屬守廟四門內謁者贊引外命婦妃主等出次

內典引引就位立駕過引還次初 駕將至內侍之

屬守廟四門駕至廟北門迴車北向尚儀進當侍位

皇后降車升輿入之大次繖扇華蓋侍衛如常儀

鹵簿停於 廟外 皇后停大次半刻頃司言引尚

宮立於大次門外當西向尚儀版奏外辨 皇后出

次侍衛如常

尚服負璽陪從如式

司言引尚宮尚宮引

皇后

凡尚宮前導皆司言先引

至版位北向立尚宮與司言退立於左

皇后立定尚宮前奏稱再拜

皇后再拜少頃尚

宮又奏稱請再拜

皇后再拜訖司言引尚宮尚

宮引

皇后還大次內侍版奏請解嚴

將士不得輒離部伍

皇后停大次一刻頃槌一鼓為一嚴轉仗衛於還塗

如來儀三刻頃槌二鼓為再嚴尚儀版奏請中嚴

皇后改著鈿釵禮衣五刻頃槌三鼓為三嚴六尚以

下詣大次奉迎內僕進重翟於廟北門之外尚儀

版奏外辦馭者執轡

皇后乘輿出次華蓋侍衛如

常 皇后升車鼓吹振作而還六尚等車陪從如來

儀 皇后將出門內謁者贊引外命婦等出次內典

引引就位 駕至位所內侍奏請 駕權停外命婦

再拜訖內侍承令命外命婦又再拜車駕過內典引

引外命婦退各還第駕至所御殿閣外迴車南向尚

儀進當車駕前跪奏稱尚儀妾姓言請降車輿還侍

位 皇后降車乘輿以入侍衛如常於車駕將至賓

司引內命婦俱就位 皇后既入司賓引內命婦退

內侍版奏請解嚴將士各還其所

大唐開元禮卷第九十四

大唐開元禮卷第九十五

嘉禮

皇帝元正冬至受皇太子朝賀

皇后元正冬至受皇太子朝賀

皇帝元正冬至受皇太子朝賀

前二日本司宣攝內外各供其職 前一日尚舍奉

御設御幄於太極殿北壁南向守宮設 皇太子次

於承天門外東廟堂之北西向又於東宮朝堂設宮

臣次如常式太樂令展宮懸於殿庭設麾於殿上西

階之西一位於樂懸東南西向鼓吹令設十二案乘

黃令陳車輅尚輦奉御陳輿輦並如常儀設 皇

太子位於橫街南道東北面設典儀位於懸之東北

贊者二人在南差退俱西面奉禮設宮臣位於東宮

朝堂如常 其日依時刻宮官俱集於次各服其服

諸衛率各勒所部陳設如常左庶子版奏請中嚴典

謁引宮臣各就位侍衛之官各服其器服左庶子負寶如式

俱詣閣奉迎僕進金輅於西閣外南向率一人執刀

立於輅前北向中允一人在侍臣之前贊者二人又

在中允之前左庶子版奏外辨僕奮衣而升正立執

轡 皇太子服遠遊冠若未冠則雙童髻絳紗袞升輿以

出左右侍衛如常儀內率前執轡 皇太子升輅僕

立授左庶子以下夾侍如常儀中允進當前跪輅奏

稱中允臣某言請發引俛伏興退復位凡中允奏請皆進當輅前

跪奏稱具官臣某言訖俛伏興輅動中允與贊者夾引以出內率夾

路而趨出重明門至侍臣上馬所中允奏稱請輅權

停令侍臣上馬左庶子前承令退稱令曰諾中允退

稱侍臣上馬贊者承傳文武侍臣皆上馬左庶子以

下夾侍於侍輅前贊者在供奉官人內侍臣上馬畢

中允奏稱請令車右升左庶子前承令退稱令曰諾

中允退復位內率升訖中允奏稱請發引退復位

皇太子輅動三師乘車訓導三步少乘車訓導從鳴
鏡而從行文武官臣皆乘馬以從至長樂門鏡吹止
至次前迴輅西向內率降立於輅左右庶子進當輅
前跪奏稱左庶子臣某言請降輅俛伏興還侍位
皇太子降輅舍人引 皇太子就坐次侍衛如常
儀 其日依時刻將士填街諸衛勒所部列黃麾大
仗屯門及陳於殿庭如常儀 皇太子既就次侍中
版奏請中嚴近伏就陳於閤外太樂令帥工人入就
位協律郎入就舉麾位侍衛之官各服其器服符寶
郎奉寶俱詣閤奉迎典儀帥贊者先入就位通事舍

人引群官屬以下次入就位 皇太子出舍次人引

皇太子三師三少導從如式入立於太極門外

之東西面

諸衛率左右庶子舍人及近侍者量人移入

侍中版奏外辨

皇帝服袞冕之服乘輿以出曲直華蓋警蹕侍衛如
常儀 皇帝將出伏動太樂令令撞黃鐘之鐘右五
鐘皆應協律郎跪俛伏舉麾鼓祝奏太和之樂鼓吹

振作 皇帝出自西房即御坐南向坐符寶郎奉寶

置 御坐如常協律郎偃麾戛歌樂止

凡樂皆協律郎舉麾工鼓

祝而後作偃麾戛歌而後止也

舍人引 皇太子就位

諸衛左右庶子以下從入

者立於皇太子初入門舒和之樂作至位樂
東南西北上

止立定典儀曰再拜贊者承傳 皇太子再拜舍人
引 皇太子詣西階 皇太子初行樂作至階樂止
舍人引 皇太子升進當 御坐前北面跪賀稱元
正首祚景福惟新伏惟 陛下與天同體 冬至賀云
天正長至
伏惟陛下 俛伏興舍人引降樂作復位樂止 皇
太子再拜侍中前承制降詣 皇太子東北西向稱
有制 皇太子再拜宣 制畢 皇太子又拜典儀
唱再拜 皇太子又再拜舍人引 皇太子出初行
樂作出門樂止 皇太子既出 公主入朝朝賀如別
禮

皇后元正冬至受皇太子朝賀

前一日守宮設 皇太子次於崇儀門內隨地之宜
其日司贊設 皇太子版位於 皇后正殿之庭懸
南北面 皇太子朝 皇帝訖舍人引 皇太子從
崇義門詣崇義門內次權停外命婦朝賀將訖舍人
引 皇太子出立於肅章門外命婦出訖內謁者監
引 皇太子至肅章門司賓承引 皇太子入就位
立定司贊唱再拜 皇太子再拜訖司賓引 皇太
子詣西階升當 御坐前北面跪賀賀稱元正首祚
景福惟新伏惟 殿下與時同休 冬至賀云天正長
至伏惟殿下如日

之俛伏興引降復位 皇太子再拜尚儀前承令降
詣 皇太子西東北面稱 皇太子再拜宣
令訖又再拜司贊唱再拜 皇太子又再拜司賓引
皇太子至閣內謁者監承引以出舍人引 皇太
子乘車還宮如來儀

大唐開元禮卷第九十五

大唐開元禮卷第九十六

嘉禮

皇帝元正冬至受皇太子妃朝賀

皇后元正冬至受皇太子妃朝賀

皇帝元正冬至受皇太子妃朝賀

其日依時刻諸衛率各勒所部陳布妃儀仗如常內
尉進車於閣外司則量時刻啟外辨妃服首飾褙衣
乘車以出侍衛如常入至下車所妃降車侍從如常
內侍所司引詣閣外 皇帝即御坐南向近侍如常
司嬪引妃升自西階進當 御坐前北面跪賀稱元

正首祚景福惟新伏惟開元神武 皇帝陛下與天

同休

冬至賀云天正長至
伏惟陛下如日之昇賀訖起司嬪引降復位妃

再拜訖尚儀前承 勅降詣妃所西北東面稱有

勅妃再拜宣 勅訖又再拜司嬪引妃還宮

皇后元正冬至受皇太子妃朝賀

皇帝訖詣 皇后所御之殿立於閣外六尚以下各

服其服俱詣 皇后內閣奉迎如式 皇帝出即御

坐南向坐近侍如常司嬪引妃入立於庭北面立定

起再拜司嬪引妃升自西階進當御坐前北面跪賀

稱元正首祚景福惟新伏惟 皇后殿下與時同休

冬至賀云伏惟
殿下如日之昇賀訖起司嬪引降復位妃再拜訖尚

儀前承令降妃西北東面稱 令旨妃再拜宣 令

訖又再拜司嬪引妃出乘車還宮如來儀若諸王妃

奉勅同朝則各服其服預至 皇子太子妃下車所

待隨入位在 皇太子妃南北面西上唯不賀以承

與 皇太子妃同若別朝亦准 皇太子妃式

大唐開元禮卷第九十七

嘉禮

皇帝元正冬至受群臣朝賀并會

皇帝千秋節受群臣朝賀便會

皇帝元正冬至受群臣朝賀并會

前一日尚舍奉御設御幄於太極殿北壁下南向鋪御坐如常宮守設群官客使等次於東西朝堂太樂令展宮懸於殿庭設麾於殿上西階之西東一位於樂懸東南西向鼓吹令分置十二案於建鼓之外乘黃令陳車輅尚輦奉御陳輦輦尚舍奉御又設解

劍席於懸西北橫街之南並如常儀設文官三品以上位於橫街之南道東

褒聖侯於三品之下

鄔公介公位於道

西武官三品以上於介公之西少南俱每等異位重

行北面對相對為首設文官四品五品位於懸東六

品以下於橫街之南每等異位重行西南面北上設

諸州集使位都督刺史及三品以上東方南方於文

官三品之東重行北面西上西方北方於武官三品

之西重行北面東上四品以下皆分方位於文武官

當品以下諸州使人分立於朝集使之下亦如之設

諸親位於四品五品之南

皇親在東異姓親在西

設諸方客位

三等以上東方南方於東方朝集使之東每國異位

重行北面西上西方北方於西方朝集使之西每國

異位重行北面東上四等以下分方位於朝集使六

品之下重行每等異位設典儀位於懸之東北贊者

二人在南少退俱西面奉禮設門外位文官於東朝

堂每等異位重行西面

褒聖侯於三品之下

鄔公介公於西朝

堂之前武官於介公之南少退每等異位重行東面

諸親位於文武官四品五品之南

皇帝宗親在東異姓親在西

設

諸州朝集使位東方南方於宗親之南每等異位重

行西面西方北方於異姓親之南每等異位重行東

面諸州使人分方位於朝集使之下亦如之諸方客
位在東方南方於東方朝集之南每國異位重行西
面北上西方北方於西方朝集使之南東面北上
其日依時刻將士填街諸衛勒所部列黃麾大仗屯
門及陳於殿庭如常儀群官諸親客使集朝堂皆就
次各服其服侍中版奏請中嚴近伏就次陳於閣外
太樂令帥工人入就位協律郎入就舉麾位諸侍衛
之官各服其器服符寶郎奉寶俱詣閣奉迎典儀帥
贊者先入就位吏部兵部主客戶部贊群官客使俱
出次通事舍人各引就朝堂前位又通事舍人引四

品以下及諸親客使等應先置者入就位侍中版奏

外辨 皇帝服袞冕 冬至則服通天冠絳紗袞 御舉出曲直華蓋

警蹕侍衛如常儀 皇帝將出仗動太樂令令撞黃

鐘之鐘右五鐘皆應協律郎俛伏舉麾鼓祝奏太和

之樂鼓吹振作 皇帝出自西房即御坐南向坐符

寶郎奉寶置於御坐如常協律郎偃麾戛鼓樂止通

事舍人引王公以下及諸客使等以次入就位 皇太子若

外朝則皇太子朝出 公初入門舒和之樂作公至位

樂止群官客使等立定典儀曰再拜贊者承傳群官

客等使皆再拜訖通事舍人引上公一人詣西陛公

初行樂作至解劍席樂止公就席脫烏跪解劍置於
席俛伏興通事舍人引升階進御坐前北面跪賀稱
某官臣某言元正首祚景福惟新伏惟開元神武

皇帝陛下與天同休冬至天正長至伏惟俛伏興通

事舍人引降陛詣席後上公跪着劍俛伏興納烏樂

作復橫街南位樂止群官客使等俱再拜侍中前承

詔降詣群官東北西面稱有制群官客使等皆再拜

宣制曰履新之慶與公等同之冬至云履長之慶與公等同之宣制

訖群官客使等皆再拜訖舞蹈三稱萬歲訖又再拜

侍中還侍位初群官將期中書侍郎以諸州鎮表別

為一案候於右延明門外給事中以祥瑞案俟於左

延明門外俱令史絳公服對舉案侍郎給事中俱就

侍臣班於客初入戶部以諸州貢物陳於太極門東

西禮部以諸蕃貢物量可執者蕃客守執入就內位

其太重者陳於朝堂前初上公將入門中書侍郎降

引表案入詣西階下東面立給事中降引祥瑞案入

詣東階下西面立上公將升賀中書令黃門侍郎降

各立階下初上公升階中書令黃門侍郎各取所奏

之文以次升上公賀訖中書令前跪奏諸方表訖黃

門侍郎又進跪奏祥瑞訖俱降置所奏之文於案各

還侍位侍郎與給事中張案退至東西階前案遂出

侍郎給事中還侍位初侍中宣制訖朝集使及蕃客

皆再拜訖戶部尚書進詣階間北面跪奏

其尚書奏仍待黃門

侍郎奏稱戶部尚書臣某言諸州貢物請付所司倪

祥瑞訖

伏興侍中前承 制退稱 制曰可尚書退復位禮

部尚書以次進詣階間北面跪奏稱禮部尚書臣某

言諸蕃貢物請付所司倪伏興侍中前承 制退稱

制曰可尚書退復位侍中還侍位太府帥其屬受

諸州及諸蕃貢物出歸仁納義門執物者隨之典儀

曰再拜通事舍人以次引北面位者出公初行樂作

出門樂止侍中前跪奏稱侍中臣某言禮畢倪伏興

還侍位 皇帝興太樂令令撞蕤賓之鐘左五鐘皆

應奏太和之樂鼓吹振作 皇帝降坐 御舉入自

東房侍衛警蹕如來之儀侍臣從至閣樂止通事舍

人引東西面位者以次出

蕃客先出其冬至朝則別不奏祥瑞貢物又無諸方

表會朝訖太樂令設登歌於殿上引二舞入立於懸

南尚舍奉御鋪群官升殿者坐文官三品以上於御

東南西向

褒聖侯於三品之下

鄭公介公於 御坐西東南向

武官三品以上於鄭公介公之後朝集使都督刺史

及三品以上東方南方於文官三品之後西方北方

於武官三品之後蕃客三等以上東方南方於東方
朝集使之後西方北方於西方朝集使之後俱重行
每等異位以北為上設不升殿者坐各於其位又設
群臣解劍席於懸之西北橫街之南並如常儀尚食
奉 御設壽於殿上東序之端西向設站於樽南加
爵一太官令設升殿者酒樽於東西廂近北設殿庭
群官酒樽各於其坐之南皆有站幕俱障以帷施設
訖吏部兵部戶部主客贊群官客使俱出次通事舍
人各引就朝堂前位典儀帥贊者先入就位通事舍
人各引非升殿者次入就位侍中版奏外辨 皇

帝改服通天冠絳紗裋

冬至則不改服

御輦以出曲直華蓋

警蹕侍衛如常儀

皇帝將出仗動太樂令令撞黃

鐘之鐘右五鐘皆應奏太和之樂鼓吹振作

皇

帝出自西房即

御坐南向坐符寶郎奉寶置於御

坐如常樂止典儀一人升就東階上西面立通事舍

人引公王以下及諸客使以次入就位公初入門樂

作至位樂止群官客使立定

若期會日別設位贊拜陳列如朝禮其日二舞

與工人俱入就位

侍中進當 御坐前北面跪奏稱侍中臣

某言請延諸公王等升俛伏興又侍中稱制曰可侍

中詣東階上西面稱 制延公王等升殿上典儀承

傳階下贊者又承傳群官客使皆再拜侍中還侍位
群官拜訖通事舍人引應升殿者詣東西階公初行
樂作至解劍席樂止公王以下各脫烏跪解劍置於
席上俛伏興通事舍人接引升上一人升階少東西
面立以下各位於坐後立定光祿卿進詣階間跪奏
稱臣某請賜群臣上壽俛伏興侍中稱制曰可光祿
卿退升詣酒樽所西向立通事舍人引上公詣酒樽
所北面立尚食奉 御酌酒一爵授上公公搢笏
爵受通事舍人引上公退北面跪稱某言臣某等稽
首言元正首祚 冬至云日 臣等不勝大慶謹上千

萬歲壽俛伏興再拜群官客使等上下俱再拜立於
席後侍中前承 制退稱敬舉公等之觴群官客使
等上下又再拜殿中監取爵奉進近臣遞進 皇帝
舉酒休和之樂作群臣客使等上下皆舞蹈三稱萬
歲 皇帝舉酒訖殿中監進受虛爵以授尚食奉御
奉御受爵復以坩樂止初殿中監受虛爵殿上典儀
唱再拜階下贊者承傳群官客使等上下皆再拜通
事舍人引上公就坐後立殿上典儀唱就坐階下贊者承傳
群官客使等上下就坐俛伏坐太樂令引歌者及琴瑟至階
脫履於下升就位坐其笙管者進詣階間北面立尚食奉御

進酒至階殿上典唱酒至興階下贊者承傳群官客
使等上下皆俛伏起立於席後殿中監到階省酒尚
食奉奉御酒進 皇帝舉酒太官令又行羣官酒酒
至殿上典儀唱再拜階下贊者承傳群官客使皆再
拜搯笏受觶殿上典儀唱就坐階下贊者承傳群官
客使等上下皆就坐俛伏坐飲 皇帝初舉酒登歌
作昭和之樂三終尚食奉御進受虛觶復於坵登歌
訖降立酌行周尚食奉御進 御食食升階殿上典
儀唱食至興階下贊者承傳群官客使等上下皆執
笏俛伏興起立坐後殿中監到階省案尚食奉 御

品嘗食訖以次進置

御前太官令又行群官案

若御

不食及群官案
先下訖不須興

設食訖殿上典儀唱就坐階下贊者

承傳群官客使等上下皆就坐俛伏興坐 皇帝乃

飯休和之樂作群官客使上下俱飯 御食畢樂止
仍行酒遂設庶羞太樂令引二舞以次入作若賜酒
侍中承詔東階西向稱賜酒殿上典儀承傳階下贊
者又承傳群官客使等上下皆執笏俛伏起再拜搯
笏立受觶就席俛伏坐飲訖俛伏起立受虛爵執笏
又再拜就坐酒行十三遍會畢殿上典儀唱可起階
下贊者承傳群官客使等上下皆俛伏起立席後通

事舍人引降階俱詣席後跪着劍俛伏興納鳥樂作復橫街南位樂止位於殿庭者仍立於席後立定典

儀曰再拜贊者承傳群官客使等在位皆再拜

位於殿庭

者拜於席後若有賜物侍中前承制降詣群官東北西面

稱有制訖群臣客使等又再拜通事舍人引群官客

使等以次出公初行樂作出門樂止侍中前跪奏稱

侍中臣某言禮畢俛伏興還侍位 皇帝興太樂令

令撞蕤賓之鐘左五鐘皆應奏太和之樂鼓吹振作

皇帝降坐御輦入自東房侍衛警蹕如來儀侍臣

從至閣樂止通事舍人引東西面者以次出

蕃客先出

皇帝若服翼善冠袴褶則京官着袴褶朝使着公服

升坐者脫履如式若設九部則去樂懸無警蹕太樂令設九

部位於右延明門外群官初唱萬歲太樂令即引九

部伎聲作而入各就位以次作如式

皇帝千秋節御樓受群臣賀

前三日所司供備如式前一日尚舍鋪御坐及內

外張設並如尋常御樓之儀尚食光祿供辦如式尚

食預置壽樽於樓上御坐之東又置壽樽於樓上

前之東南

皆有蓋

其日平曉陳列仗衛如常百官常服

成就橫街南依東西班序立侍中版奏外辨 皇帝

御座候卷簾通事舍人分引群官詣橫街北壽樽之西俱北面中書門下及供奉官如常式立定典儀贊再拜橫街南北百官皆再拜訖尚食奉御酌壽酒以授殿中監殿中監以授侍中侍中執酒正立殿中監受侍中之酒侍中執笏稍前跪奏稱千秋令節臣等不勝大慶謹上千萬歲壽奏訖與再拜群官上下皆再拜所由酌壽樽之酒以進 皇帝受酒承制宣云得卿等壽酒與卿等內外同慶 皇帝舉酒群官上下又再拜三呼萬歲舞蹈又再拜訖詣坐所太官令酌酒以進侍中執酒以出群官等俱出謝酒訖就位

太常卿引樂如常儀

其橫街南群官應有常食者引就坐如式餘退

其群官

所獻甘露醇酎上食等所由並其日平曉於樓之便門奉進會華畢樓上蹇簾群官各出就位立定典儀贊再拜群官等俱再拜

若臨時別有進止隨時贊相

垂簾群官退

大唐開元禮卷第九十八

嘉禮

皇后正至受群臣朝賀

皇后正至受外命婦朝賀并會

皇后正至受群臣朝賀

前一日尚寢率其屬設御幄坐如外命婦朝賀之儀守宮設群官於宮城門外如常儀其日未明一刻諸衛各勒所部屯門列仗及陳布於肅章門外奉禮設文武群官諸親蕃客等位於宮城門外如朝堂之式典儀設文武群官於肅章門外文東武西俱重

行北面對為諸親於文武五品之下朝集使蕃客
等分方位次如常設典儀贊者位於群官東北差退

西向北上又議內給事位於群官之北南若於外命
婦同時朝

賀典儀於肅章宮
門外設群官版位文武群官依時刻俱集於門外俱

就次各服其服若上臺同日朝賀則上臺禮畢群官
仍朝服典謁引從納義門之西各行

之就次尚儀奏請中嚴六尚以下各服其服俱詣內

閣奉迎典儀帥贊者先入就位典謁引文武群官入

就位尚儀奏外尚儀辨 皇后首飾禕衣以出即

御位南向坐侍衛警蹕及設琮璽於 御坐並如常

儀內謁者監引內給事出就南面典儀曰再拜贊者

承傳文武群官等俱再拜典謁引為首者一人進內

事前北跪賀稱元正首祚景福惟新伏惟殿下與時

同休冬至云天正長至伏
惟殿下如日之升賀訖俛伏典謁引退復

位群官等皆再拜內謁者監引內給事如依式表奏

聞內給事承令出內謁者監引內給事復南面稱

令旨群官等皆再拜內給事宣 令云履新冬至云
履長

之慶與公等同之群官等又再拜內謁者監引內給

事入典謁引羣官等出尚儀前奏禮畢 皇后降坐

以入侍衛警蹕如常儀

皇后正至受外命婦朝賀并會

前二日本司宣攝內外供其職前一日守宮設外宣
命婦次如常儀尚寢帥其屬設御幄於 皇后正殿
北面南向又設命婦為首者脫烏席於西階前近西
東向式因樂展宮懸之樂於殿庭設麾於殿上西階
之西東向內僕進重翟以下於肅章門之外道東西
向北上司贊設外命婦版位於殿庭大長公主以下
在東太夫人以下在西諸親婦女位於外命婦之下
宗親在東異姓親在西俱重行北面相對為首內謁者設外命
婦等位於肅章門外大長公主以下於道東太夫人
以下於道西俱重行相對北上命婦有夫從夫之爵

無夫從子設司贊位於東階之東南西向掌贊二人
位於司贊之南差退俱西向受朝 其日依時刻諸
列所部屯門列仗及陳布於肅章門外如常儀外命
婦等依時刻集宮門外至下車所道西東向以車為
次北上車次定外命婦等皆降車內典引引之次各
服其服尚儀奏請中嚴宮官侍衛者皆朝服司寶奉
琮寶依式俱謁詣閣奏迎司樂帥女工人入就位典
樂并就舉麾位司贊帥掌贊先入就位內典引引外
命婦俱詣肅章門外位尚儀奉外辨 皇后首飾褱
衣以出警蹕侍衛如常 皇后出自西房典樂舉麾

奏正和之樂即御座南向司賓奉琮寶置於御坐

如常偃麾樂止

凡樂典樂舉麾工鼓祝而後作偃麾憂致而後止

司賓承引

外命婦以次入就位為首者初入門舒和之樂作至

位樂止命婦等立定司贊再曰再拜贊者承傳外命

婦等皆再拜司賓引為首者脫烏升進當御坐前

北面跪稱賀姓等言元正首祚景福惟新伏惟殿

下與時同休

冬至則云天正長至伏惟殿下如日之昇

賀訖起司賓

引為首者自西階降納烏樂作復位樂止司贊稱再

拜掌贊承傳命婦等皆再拜司言前承令降自西階

詣命婦西北東向稱令旨命婦等皆再拜宣令云

履新之慶

冬至云履長

夫人等同之司贊曰再拜掌贊者

承傳外命婦等皆再拜司賓以次引出尚儀前跪奏

禮畢還侍位皇后降坐樂作入自東房侍衛警蹕

如來儀樂止女工人退會朝訖尚寢帥其屬鋪外命

婦等之坐於殿上大長公主以下於御坐東南重

行西向太夫人以下於御坐西南重行東向設不

升殿坐席於東南廊下皆北上又量設脫履席於東

西階下尚食設壽樽於殿上東席之端西向有坫加

爵一於樽下設升殿者酒樽於東西廊下近北設廊

下者酒樽各於其座之南皆有坫幕俱陳以帷設訖

司樂帥諸樂人就位內典引引外命婦俱詣肅章門
外位尚儀奏外辨 皇后首飾禕衣以出警蹕侍衛
如常儀 皇后出自西房典樂舉麾正和之樂作即

御坐南向坐司寶奉琮寶置於御坐如常偃麾樂止

凡樂皆典樂舉麾工鼓祝而後作偃麾戛敵而後止 司賓丞引引命婦以次入

就位為首者初入門樂作至位樂止外命婦立定期

會別日贊者如朝禮 司言前承令降詣命婦西北東向稱令旨

夫人等坐司贊曰再拜掌贊承傳外命婦等皆再拜

訖司賓引外命婦應升殿者詣東西階樂作為首者

至階樂止俱就席脫烏於階下升司賓引為首一人

升階近東西面立以下各就位席後立典賓引不升

殿者詣東西廊下席後立定尚食酌酒一爵以授為

首司賓引為首者至御坐前北向授尚食尚食受跪

爵進置御前司賓引為首者跪奏稱妾姓等言元正

首祚冬至云天 妾等不勝大慶謹上千萬歲壽興再

拜外命婦皆等再拜訖司言前承令旨宣 令云夫

人等同納景福外命婦等又再拜尚食取爵奉進

皇后舉酒樂作外命婦等皆三稱萬歲 皇后舉酒

訖尚食受虛爵復命於坩樂止司贊曰再拜掌贊者

承傳外命婦等皆再拜司賓引為首者就席後立司

贊曰就位掌贊承傳外命婦等俱就坐尚食酒至階
司贊曰酒至興掌贊承傳外命婦等俱興立席後尚
儀至階省酒尚食奉酒進 皇后舉酒作樂如常又
行外命婦酒酒至司贊曰再拜掌贊承傳外命婦等
俱再拜受解司贊曰就坐掌贊承傳外命婦等俱就
坐飲 皇后舉酒訖尚食受虛解復於坵樂止解行
三周尚食進 御食食^至司贊曰食至興掌贊承傳
外命婦等皆起立席後尚儀至階省案尚食品嘗訖
以次進置 御坐前又行命婦案 御若不食及命婦
案先下訖不須興
設食訖司贊曰受坐掌贊承傳外命婦等就皆坐席

皇后乃飯樂作外命婦等俱飯御食畢樂止仍行
酒設度羞諸伎以次作若賜酒司言前承令詣東階
上西向稱賜酒階下掌贊承傳外命婦等皆起再拜
立受解坐飲訖起立授虛解又再拜就席坐酒行十
二遍會畢司贊曰可起掌贊承傳命婦等皆起立席
後司賓引降各納烏樂作俱引復降下位樂止其廊
下者仍立於席後立定司贊曰再拜掌贊承傳外命
婦等在位者皆再拜若有束帛則尚功帥其屬以束
帛預立於東西廂司言前承令降自西階命婦西北
東面稱令旨外命婦等皆再拜宣令訖外命婦等又

再拜尚功帥其屬以次授東帛外命婦等又再拜司
賓引外命婦等以次出樂作出門止樂內典引引以承
出尚儀前奏禮畢還侍位 皇后降座樂作入自東
房警蹕侍衛如來儀樂止

大唐開元禮卷第九十八

大唐開元禮卷第九十九

嘉禮

皇帝於明堂讀孟春令

皇帝於明堂讀仲春令

皇帝於明堂讀季春令

皇帝於明堂讀孟春令

禮部尚書先讀令三日奏讀月令承以宣告 前三
日尚舍直長施大次於東門外道北南向舍奉御坐
守宮設文武侍臣次於大次之後文官在左武官在
右俱南向設群官次於壁水東門之外文官在北武

臣在南俱西上 前一日尚舍奉御設御幄坐於青陽左箇近西東向守宮設三品以上及諸司長官坐於青陽堂上文官於御坐東南北向俱重行西上無長官者次官一人設刑部郎中讀令坐於御座東南北向外判官不合 有案設文官解劍席於丑陛之左設武官解劍席於卯陛之右皆內向太樂令展宮懸於青陽左箇之殿庭設舉麾位於堂上寅陛之南北向一位於樂懸東北南向典儀設三品以上及應升坐者位於懸東文左武右俱重行西向相對為首設非升坐者位文官四品於懸北六品以下於其東設位俱南向武官四品於懸南六品於其東當文官俱北向皆重行西上設典儀位於懸之西北贊者二人在東差退俱奉禮設門外位各於次前俱每等異位重行相向西上鑿駕出宮前出宮三日本司宣攝內外各供其職守宮設從駕之官五品以上次於承天門外東西朝堂如常前二日太樂令設宮懸之樂於殿庭如常儀其日未明七刻槌一鼓為一嚴三嚴時節前一開宮日侍中奏裁殿門及城門 未明五刻槌二鼓為二嚴侍中版奏請中嚴奉禮設從駕群官五品以上位文官於東朝堂之前西向武官於西朝堂之前東向俱重行北上

從駕群官五品以上俱集朝堂次各服其服

其六品以下並

駕發之前預赴明堂所司陳小駕鹵簿未明二刻

搥三鼓為三嚴諸衛之屬各督其隊與鈸戟以次入

陳於殿庭謁者引從駕群官各就朝堂前位諸衛之

官各服其服器侍中中書令以下俱詣西閣奉迎

侍中

負璽乘黃令進金輅於西閣外南向千牛將軍一人

執長刀立於輅前北向黃門侍郎一人在侍臣之前

贊者二人又在黃門之前侍中版奏外辨太僕卿奮

衣而升正立執轡皇帝服通天冠青紗裋佩蒼玉

御輦以出曲直華蓋警蹕侍衛如常儀皇帝將出

伏動太樂令令撞黃鐘之鐘右五鐘皆應協律郎跪
俛伏興舉麾鼓祝奏太和之樂千牛將軍前執轡

皇帝升輅太僕卿立授綬侍中中書令以下夾侍如

常黃門侍郎進當鑿駕前跪奏稱黃門侍郎臣某

言請鑿駕發引俛伏興退復位

凡黃門奏請皆進當駕前跪奏稱具

俛伏興官某言就鑿駕動又稱警蹕黃門侍郎與贊者夾引

以出千牛將軍夾輅而趨駕至太極門偃麾戛敵

樂止出太極門鼓祝奏采芡之樂出嘉德門戛敵樂

止凡樂皆協律郎舉麾工鼓祝而至承天門外侍臣上

馬所黃門侍郎奏請鑿駕權停勅侍臣上馬侍

中前承詔退稱 制曰可黃門侍郎退稱侍臣上馬
贊者承傳文武皆侍臣上馬諸侍衛之官督其屬左右翊
駕在黃麾內符寶郎奏六寶與殿中監後部從侍中
中書令以下夾侍於輅前贊者在供奉官人內侍臣
上馬畢黃門侍郎奏請 勅車右升侍中前承 制
退稱 制曰可黃門侍郎退復位千牛將軍升訖黃
門侍郎奏稱請 鑾駕發引退復位 鑾駕動稱警
蹕鼓傳音如常鼓吹振作而行其從 駕之官在左
武隊後如常儀

讀令

其日依時刻諸衛勒所部屯門列伏及青陽左箇之
庭如常先置群臣俱就門外位 駕至大次門外廻
輅南向千牛將軍降立於輅右侍中進當 鑾駕前
跪奏稱侍中臣某言請降輅俛伏興還侍位 皇帝
降輅御輿之大次繖扇華蓋侍衛警蹕如常儀通事
舍人引文武五品以上從駕之官皆就門外位太樂
令帥工人入就位協律都入就舉麾位典儀帥贊者
先入就位又通事舍人引群官非升坐者入就位刑
部郎中以月令置於案覆以帊令史二人俱絳公服
對舉立於武官五品東南郎中立於案後北面侍中

版奏外辨 皇帝御輿出次曲直華蓋侍衛警蹕如
常儀入自青龍門 皇帝初入門太樂令令撞蕤賓
之鐘左五鐘皆應鼓祝奏太和之樂 皇帝升自寅
陛入即 御坐東向坐符寶郎奉寶置於 御坐侍
臣夾侍如常儀戛敔樂止典儀一人升立於左箇東
北南向通事舍人引王公以下就西面位立初入門
舒和之樂作凡公行皆公至位樂止群官立定典儀
曰再拜贊者承傳凡典儀有詞在位者皆再拜侍中
前跪奏稱侍中臣某言請延公王等升俛伏興又侍
中稱 制曰可侍中詣左箇東北南面稱 詔延公王

等升堂上典儀承傳堂下贊者又承傳在位者皆再
拜通事舍人以次引西面位者各詣其陛公初行樂
作至解劍席樂止公王以下俱升席位解劍俛伏興
脫烏通事舍人各引升立於坐後刑部郎中引案進立
於邪陛下侍中跪奏請讀月令俛伏興又侍中稱
制曰可侍中退復位刑部郎中再拜就解劍席跪解劍
俛伏興脫烏取令持案者仍立於下通事舍人引刑
部郎中奉令升自邪陛詣席南北向跪置令於案俛
伏興立於席後堂上典儀唱就坐公王以下及刑部
郎中並就坐俛伏興坐刑部郎中讀令每句一絕使言

聲可了讀令訖堂上典儀唱可起公王以下皆起通
事舍人引公王以下及刑部郎中俱降刑部郎中以
令置於案與群臣俱跪劔佩俛伏興納鳥通事舍人
引還本位公初行樂作至位樂止立定典儀曰再拜
在位者皆再拜又通事舍人引西面位者出公初行
樂作至位樂止立定典儀曰再拜在位者皆再拜又
通事舍人引西面位者出公初行樂止侍中跪奏稱
侍中臣某言禮畢俛伏興還侍位 皇帝興太樂令
令撞黃鐘之鐘右五鐘皆應太和之樂作 皇帝降
坐御輿以出之便次警蹕侍衛如來儀出門樂止舍

人引南北面位者以次出

孟春令

孟春之月日在營室昏參中旦尾中其日甲乙其帝
太皞其神勾芒其蟲鱗其音角律中太簇其數八其
味酸其臭羶其祀戶東風解凍蟄蟲始振魚上負冰
獺祭魚鴻鴈來食麥與羊其器疏以達立春先立春
七日禮部奏曰某日立春盛德在木 皇帝乃齋立
春之日 皇帝親帥百官迎春於東郊還賞百官於朝
命有司布德和令行慶施惠下及黎元慶賜遂行毋有
不當乃命太史守典奉法司天日月星辰之行宿離

不貸無失經紀以初為常是月也 皇帝乃以元日
祈穀於上帝乃擇元辰 皇帝親載耒耜百官躬耕
帝籍反乃執爵於太寢命曰勞酒是月也天氣下降
地氣上騰天地和同草木萌動命布農事修封疆善
相丘陵阪險原隰土地所宜五穀所殖以教導人是
月也修祭典禁止伐木毋覆巢毋殺孩蟲胎夭飛鳥
毋麇毋卵毋聚大眾毋置城郭掩骼埋胔是月也不
可以稱兵稱兵必天殃兵戎不起不可從我始毋變
天之道毋絕地之理毋亂人之紀 孟

春行夏令則風雨不時草木早落國時有恐行秋令

蒸元大疫飄風暴雨總至蒸莠蓬蒿並興行冬至則
水潦為敗雪霜大至布種不入 鑾駕還宮 皇

帝既還大次侍中版奏請解嚴

將士不得
輒離部位

皇帝停

大次一刻頃搥一鼓為一嚴轉仗衛於還塗如來儀

三刻頃搥二鼓為再嚴將士布隊仗侍中版奏請中

嚴五刻頃搥三鼓為三嚴謁者贊引各引群官序立

於次前文武侍臣詣大次奉迎乘黃令進金輅於大

次門外南面千牛將軍立於輅右侍中版奏外辦太

僕御執轡 皇帝御輿出次繖扇侍衛警蹕如常儀

皇帝升輅太僕御立授綬黃門侍郎奏請稱請

鑾駕發引進復位 鑾駕動稱警蹕如常儀黃門侍郎贊者夾引千牛將軍夾輅而趨至侍臣上馬所黃門侍郎奏稱請 鑾駕權停 勅侍臣上馬侍中承制退稱 制曰可黃門侍郎退稱侍臣上馬贊者承傳文武侍臣皆上馬畢黃門侍郎奏稱請 敕車右升侍中稱 制曰可黃門侍郎退復位千牛將軍升訖黃門侍郎奏請 鑾駕發引進復位鼓傳音 鑾駕動鼓吹振作而還文武群官從如來儀 駕至承天門外侍中下馬所 鑾駕權停文武侍臣皆下馬千牛將軍降立於路右訖 鑾駕動千牛將軍夾

路而趨 駕至嘉德門太樂令令撞蕤賓之鐘左五鐘皆應鼓祝奏采菽之和至太極門戛鼓樂止入太極門鼓祝奏太和之樂 駕至橫街北當東上閣迴輅南向侍中進當 鑾駕前跪奏稱侍中臣某言謀請降輅俛伏興還侍位 皇帝降輅御輿以入繖扇侍衛警蹕如常儀侍臣從至閣戛鼓樂止初文武群官至東朝堂通事舍人承旨勅群官並還 皇帝既入侍中版奏請解嚴叩鉦將士各還其所

皇帝於明堂讀仲春令

尚舍奉御設御幄坐青陽太廟設文官解劍席於寅

陛之左設武官解劍席於辰陛之右太樂令展宮懸於青陽太廟之庭設舉麾位於堂上卯陛之南餘並如孟春陳設之儀 鑾駕出宮並如孟春出宮之儀

讀令

其日諸衛列仗於青陽太廟之庭 皇帝升自卯陛典儀一人升立於青陽太廟東北侍中詣青陽太廟東北稱詔刑部郎中升自辰陛餘並如孟春讀令之儀

仲春令

仲春之月日在奎昏張中旦建星中其日甲乙其帝

太皞其神勾芒其蟲鱗其音角律中夾鐘其數八其味酸其臭羶其祀戶始雨水桃始華倉庚鳴鷹化為鳩食麥與羊其器疏以達是月也安萌芽養幼少存諸孤擇元日命人社令有司省囹圄去桎梏毋肆掠止獄訟是月也日夜分雷乃發聲始電蟄蟲咸動啟戶始出先雷三日奮木鐸以令人曰雷將發聲有不戒其容止者生子不備必有凶災日夜分則同度量鈞衡石角斗角正權概是月也毋作大事以妨農事毋竭川澤毋漉陂池毋焚山林獻羔開冰先薦宗廟上丁釋奠於先聖先師仲春行秋令則其國大水寒

氣愍至寇戎來征行冬令則陽氣不勝麥乃不熟人多相掠行夏令則國乃大旱煖氣早來蟲螟為害鑿駕還宮並孟春還宮之儀

皇帝於明堂讀季春令

尚舍奉御設御幄坐於青陽右箇設文官解劍席於卯陛之左設武官解劍席於巳陛之右太樂令展宮懸於青陽右箇之庭設舉麾位於堂上辰陛之南餘並如仲春陳設之儀 鑿駕出宮如仲春出宮之儀

讀令

其日諸衛列仗於青陽右箇之庭

皇帝升自辰陛

典儀一人升立於青陽右箇東北侍中請青陽右箇東北稱詔刑郎部中升自己陛餘並如仲春讀令之儀

季春令

季春之月日在胃昏七星中旦牽牛中其日甲乙其帝太皞其神句芒其蟲鱗其音角律中姑洗其數八其味酸其臭羶其祀戶桐始華田鼠化為鴽虹始見萍始生食麥與羊其器疏以達薦鮪於宗廟 是月也生氣方盛陽氣發洩勾者畢出萌者盡達不可以內布德行惠發倉廩賜貧窮賑乏絕開府庫出幣帛

闕天下勉牧守聘名士禮賢者是月也時雨將降下
水上騰命有司循行國邑周視原野修利隄防導達
溝瀆開通道路無有障塞田獵置罟羅網罾翳餒獸
之藥毋出國門是月也命虞人毋伐桑柘鳴鳩拂其
羽戴勝降於桑后妃齋戒親東鄉躬桑禁婦女毋觀
省婦使以勸蠶事即登分繭稱絲效功以供郊廟之
服無敢惰是月也命工師令百工審五庫之量金鐵
皮革筋角齒羽箭幹膠脂丹漆毋或不良毋悖於時
毋或作為淫巧以蕩上心季春行冬令則寒氣時發
草木皆肅國有大恐行夏令則多人疾疫時雨不降

山陵不收行秋令則天多沉陰淫雨早降兵革並起
鑾駕還宮並如仲春還宮之儀

大唐開元禮卷第一百

嘉禮

皇帝於明堂讀孟夏令

皇帝於明堂讀仲夏令

皇帝於明堂讀季夏令

皇帝於明堂讀孟夏令

禮部尚書先讀令三日奏讀月令承以宣告

日尚舍施大次於朱雀門外道東西向尚舍奉御設

御坐守宮設文武侍臣次於大次之後文官在左武

官在右俱西向設官次於壁水南門之外文官在東

武官在西俱北上 前一日尚舍奉御設 御幄坐
於明堂左簡近北南向守宮設三品以上及諸司長
官坐於堂上文官於 御坐東南西向武官於 御
坐西南東向俱重行北上 無上官者次官不合設刑部郎
中讀令坐 御坐西南東向有案設文官解劍席於
辰陛之左設武官解劍席於午陛之右皆內向太樂
令展宮懸於明堂左簡之處設舉麾位於堂上巳陛
之西東向一位於樂懸東南西向典儀設三品以上
及應升坐者位於懸南文左武右俱重行北向相對
為首設非升坐者位文官四品五品於懸東六品以

下於其南絕位俱西向武官四品五品於懸西六品
以下於其南當文官俱東向皆重行北向上設典儀位
於懸之東北贊者二人在南差退俱西向奉禮設門
外各於次前俱每等異位重行相向北上 鑿駕出
宮 前出宮三日本司宣攝內外各供其職守宮設
從 駕之官五品以上次於承天門東西朝如常
前二日太樂令設宮懸之樂於殿庭如常儀其日未
明七刻槌一鼓為一嚴 三嚴時節前一侍中奏開宮
日侍中奏裁殿門及城門 未明五刻槌二鼓為再嚴侍中版奏
請中嚴奉禮設從 駕群官五品以上位文官於東

朝之前西向武官於廟西堂之前東向俱重行北上
從駕群官五品以上俱集朝堂次各服其服其六品
以下並
駕發之前預赴明堂所司陳小駕鹵簿未明二刻
所俱就次各服其服
搥三鼓為三嚴諸衛之屬各督其隊與鈇戟以次入
陳於殿庭舍人引從 駕群官各就朝堂前位諸侍
衛之官各服其器服侍中中書令以下俱詣西上閣
奉迎侍中負乘黃令進金輅於西下閣外南向千牛
將軍一人執長刀立於輅前北向黃門侍郎一人在
侍臣之前贊者二人又在黃門之前侍中版奏外辨
太僕卿奮衣而升正立執轡 皇帝服通天冠絳紗

袍佩赤玉 御輿以出曲直華蓋警蹕侍衛如常儀

皇帝將出伏動太樂令令撞黃鐘之鐘右五鐘皆應

協律郎跪奉舉麾鼓祝奏太和之樂千牛將軍前執

轡 皇帝既升輅太僕卿立授綏侍中中書令以下

夾侍如常黃門侍郎進前當 鑿駕前跪奏稱黃門

侍郎臣某言請 鑿駕進發俛伏興退復位凡黃門
侍郎奏

進皆進當鑿駕前跪奏稱 鑿駕動又稱警蹕黃門侍
具臣某言訖俛伏興

郎與贊者夾引以出千牛將軍夾輅而趨 駕至太

極門偃麾戛鼓樂止出太極門鼓祝奏采茨之樂出

嘉德門戛鼓樂止凡樂皆協律郎舉麾工鼓祝
而後作偃麾戛鼓而後止 至承

天門侍臣上馬侍中前承 制曰可黃門侍郎退稱
侍臣上馬贊者承傳文武侍臣皆上馬諸侍衛之官
各督其屬左右翊駕在黃麾內符寶郎奉六寶與殿
中監其部從侍中中書令以下夾侍於輅前贊在供
奉官人內侍臣上馬畢黃門侍郎奏稱請 勅車右
升侍中前承制退稱 制曰可黃門侍郎退復位千
牛將軍升黃門侍郎奏稱請 鑾駕動稱警蹕鼓傳
音如常鼓吹振作而行其從 駕之官在玄武隊後
如常儀

讀令

其日依時刻諸衛勒所部也門列伏及明堂左箇之
庭如常先置群官俱集次各服其服 駕將至通事
舍人各引先置群官俱就門外位 駕至大次門外
迴輅西向千牛將軍降立於輅右侍中進當 鑾駕
前跪奏稱侍中臣某言請降輅俛伏興還侍位 皇
帝降輅御輿之大次繖扇華蓋侍衛警蹕如常儀通
事舍人引文武五品以上從 駕之官皆就門外位
太樂令帥工人入就位協律郎入就舉麾典儀帥贊
者先入就位通事舍人引群官非升坐者入就位刑
部郎中以月令置於案覆以帊令史二人俱絳公服

對舉案立於武官五品西南郎中立於案後東面侍
中版奏外辨 皇帝御輿出次曲直華蓋侍衛驚蹕
如常入自朱雀門 皇帝初入門太樂令令撞蕤賓
之鐘左五鐘皆應鼓祝奏太和之樂 皇帝升自己
陛入即御坐南向坐符寶郎奉寶置於 御坐侍臣
夾侍如常儀曩故樂止典儀一人升立於左箇東西
向通事舍人引公王以下入就位北面公初入門舒
和之樂作凡公行皆作舒和公至位樂止群官立定典儀曰
再拜贊者承傳凡典儀有詞贊者皆承傳在位者皆再拜侍中前
跪奏稱侍中臣某言請延公王等升俛伏興又侍中

稱制曰可侍中詣左箇東南西面稱制延公王等升
堂上典儀承傳堂下贊者又承傳在位者皆再拜通
事舍人次引北面位者各詣其陛公初行樂作至解
劍席俛伏興脫烏通事舍人各引升立於坐後刑部
郎中引案進立於午陛下侍中跪奏請讀月令俛伏
興又侍中稱 制曰可侍中退復刑位部郎中再拜
就解劍席跪訖俛伏興脫烏取令持案者仍立於下
通事舍人引刑部郎中奉令升自午陛詣席西東向
跪置令於案俛伏興立於席後堂上典儀唱就坐公
王以下及刑部郎中並就坐俛伏興刑部郎中讀令

每句一絕使言聲可了讀令訖堂上典儀唱可起公
王以下皆起通事舍人引公王以下及刑部郎中俱
降刑部郎中以令置於案與群官俱跪佩劍俛伏興
納烏通事舍人各引還本位公初行樂止立定典儀
曰再拜在位者皆再拜通事舍人引北面位者出公
初行樂止出門樂作侍中跪奏稱侍中臣某言禮畢
俛伏興還侍位 皇帝興太樂令令撞黃鐘之鐘右
五鐘皆應太和之樂作 皇帝降坐御輿以出之便
次警蹕侍衛如來儀出門樂止通事舍人引東西面
位者次出

孟夏令

孟夏之月日在畢昏翼中旦婺女中其日丙丁其帝
炎帝其神祝融其蟲羽其音徵律中中呂其數七其
味苦其臭焦其祀竈蝼蝻鳴蚯蚓出王瓜生苦菜秀
食菽與雞其器高以粗是月也以立夏先立夏三日
禮部奏曰某日立夏盛德在火 皇帝乃齋立夏之
日 皇帝親帥百官迎夏於南郊還反行賞命有司
贊傑俊遂賢良舉長大行爵出祿必當其位是月也
繼長增高毋有壞隳毋起土功毋發大衆毋伐大樹
命有司巡行縣鄙命農勉作毋休於都無或失時是

月也驅獸毋害五穀毋大田獵是月也命太常修鞀
鼓均琴瑟管簫執干戚戈羽調竽笙篪簧飭鐘磬祝
敎命有司為人祈祀山川百源大雩上帝用盛樂以
祈穀實農乃登麥 皇帝乃以彘嘗麥先薦宗廟是
月也聚蓄百藥靡草死麥秋至斷薄刑決小罪出輕
繫蠶事畢命婦獻繭於后孟夏行秋令則苦雨數來
五穀不滋四鄙入堡行冬令則草木枯槁後乃大水
敗其城郭行春令則蝗蟲為災暴雨來格秀草不實

鑾駕還宮

皇帝既還大次侍中版奏請解嚴

將士不得
輕離部伍

皇帝

停大次一刻頃提一鼓為一嚴轉伏衛於還塗如來
儀三刻頃提二鼓為再嚴將士布隊仗侍中版奏請
中嚴五刻頃提三鼓為三嚴謁者贊引各引群官序
立於次前文武侍臣詣大次奉迎乘黃令進金輅於
大次門內南向千牛將軍立於輅右侍中版奏外辨
太僕卿升執轡 皇帝御輿出次繖扇侍衛警蹕如
常儀 皇帝升輅太僕卿立授綏黃門侍郎奏稱請
鑾駕進發退復位 鑾駕動稱警蹕如常儀黃門侍
郎贊者夾引千牛將軍夾輅而趨至侍臣上馬所黃
門侍郎奏稱請 鑾駕權停勅侍臣上馬侍中退稱

制曰可黃門侍郎退稱侍臣上馬贊者承傳文武侍
臣皆上馬畢黃門侍郎奏稱請勅車右升侍中稱制
曰可黃門侍郎退復位千牛將軍升訖黃門侍郎奏
稱請鑾駕進發退復位鼓傳音鑾駕動鼓吹振
作而還文武群臣皆從如來儀駕至承天門外侍臣
下馬鑾駕權停文武侍臣皆下馬千牛將軍降立
於輅右訖鑾駕動千牛將軍夾輅而趨駕入嘉
德門太樂令令撞蕤賓之鐘左五鐘皆應鼓祝奏采
茨之樂至於太極門夙啟樂止入太極門鼓祝奏太
和之樂駕至橫街北當東上閣迴輅南向侍臣進

當鑾駕前跪奏稱侍中臣某言請降輅俛伏興還
侍位皇帝降輅御輿以入繖扇侍衛警蹕如常儀
侍臣從至閣夙啟樂止初文武群官至東朝堂通事
舍人承旨勅群臣並還皇帝既入侍中版奏請解
嚴叩鉦將士各還其所

皇帝入於明堂讀仲夏令

尚舍奉御設御幄於明堂太廟設文官解劍席於已
陛之左設武官解劍席於未陛之右太樂令展宮懸
於明堂太廟之庭設舉麾位於堂上午陛之西餘並
如孟夏陳設之儀鑾駕出宮並如孟夏出宮之儀

其日諸衛仗列於明堂太廟之庭 皇帝升自午陛
典儀一人升立於明堂太廟東南侍中詣明堂太廟
東面稱制刑部郎中升自未陛餘並如孟夏讀令之
儀

仲夏令

仲夏之月日在東井昏亢中旦危中其日丙丁其帝
炎帝其神祝融其蟲羽其音徵律中蕤賓其數七其
味苦其臭焦其祀竈小暑至螳螂生鵙鳥始鳴反舌
無聲食菽與雞其器高以粗養壯佼農乃登黍 皇
帝乃以雛嘗黍羞以含桃先薦宗廟令人毋艾藍以

染毋燒灰毋暴布門閭毋閉挺重囚是月也日長至
陰陽爭死生分君子齋戒處必掩身毋躁止聲色毋
毋或進薄滋味毋致和節嗜欲定心氣百官靜事無
刑以定晏陰之所成鹿角解蟬始鳴半夏生木槿榮
是月也毋用火南方可以居高明可以遠眺望可以
升山陵可以處臺榭仲夏行冬令則雹凍傷穀道路
不通暴兵來至行春令則五穀晚熟百勝時起其國
乃飢行秋令則草木零落果實早成人殃於疫

鑿駕還宮

右並如孟夏還宮之儀

皇帝於明堂讀季夏令

讀令禮附

尚舍奉御設御幄坐於明堂右箇設文官解劍席於午陛之左設武官解劍席於申陛之右太樂令展宮懸於明堂右箇之庭設舉麾位於堂上未陛之西餘並如仲夏陳設之儀鑿駕出宮右並如仲夏出宮之儀

讀令

其日諸衛列伏於明堂右箇之庭皇帝升自未陛典儀一人升立於明堂右箇東南侍中詣明堂右箇東南稱詔刑部郎中升自申陛餘並如仲夏讀令之儀

儀

季夏令

季夏之月日在柳昏火中旦奎中其日丙丁其帝炎帝其神祝融其蟲羽其音徵律中林鐘其數七其臭焦其祀竈温風至蟋蟀居壁鷹乃學習腐草為螢食菽與雞其器高以粗命漁師伐蛟取鼉登龜取鼈命澤人納材葦是月也命太常合秩菊以養犧牲以供皇天上帝名山大川四方之神以祀宗廟社稷之靈以為人祈福是月也命染工染采黼黻文章必以法故無或差貸黑黃蒼赤莫不質良毋敢詐偽以給郊

廟祭祀之服以為旗章以別貴賤等級之度是月也
樹木方盛乃命虞人入山行木毋有斬伐不可以興
土功不可以合牧守不可以起兵動衆毋舉大事以
搖養氣舉大事則有天殃是月也土潤溽暑大雨時
行燒薙行水利以殺草如以熟湯可以糞田疇可以
美土疆季夏行春令則穀實鮮落國多風欬人乃遷
徙行秋令則丘隰水潦未稼不熟乃多女災行冬令
則風寒不時鷹隼早鷲四鄙入堡

鑿駕還宮

右並如仲夏還宮之儀

季夏土王之日讀土令

皇帝服黃紗袞佩黃玉居太廟太室餘行事皆如仲
夏讀令之儀

土令

中央土其日戊巳其帝黃帝其神后土其蟲倮其音
宮律中黃鐘之宮其數五其味甘其臭香其祀中霽
食稷與牛其器圜以閔

大唐開元禮卷第一百

嘉禮

皇帝於明堂讀孟秋令

皇帝於明堂讀仲秋令

皇帝於明堂讀季秋令

禮部尚書先讀令三日奏讀月令承以宣告

前

日尚舍直長施大次於白武門外道北南向尚舍奉

御設

御坐守宮設文武侍臣次於大次之後文官

在左武官在右俱南向設群官次於壁水西門之外

大唐開元禮卷第一百

嘉禮

皇帝於明堂讀孟秋令

皇帝於明堂讀仲秋令

皇帝於明堂讀季秋令

禮部尚書先讀令三日奏讀月令承以宣告

前

日尚舍直長施大次於白武門外道北南向尚舍奉

御設 御坐守宮設文武侍臣次於大次之後文官

在左武官在右俱南向設群官次於壁水西門之外

文官在南武官在北俱東上 前一日尚舍奉御設御幄坐於總章左箇近東西向守宮設三品以上及諸司掌官坐於堂上文官於 御坐西南北向武官於 御坐西北向俱重行東上 無長官次官一設刑部郎中讀令坐於 御坐西北南向有案設文官解劍席於申陛之左設武官解劍席於酉陛之右皆內向太樂令展宮懸於總章左箇之庭設舉麾位於堂上申陛之北南向一位於樂懸西南北向典儀設三品以上及應升坐者位於懸西文左武右俱重行東向相對為首又設非升坐者位文官四品五品於懸

南六品以下於其西絕位俱北向武四品五品於懸北六品以下於西當文官俱南向皆重行東上設典儀位於懸之位東南贊者二人在西差退俱北向奉禮設門外位各於次前俱每等異位重行相向東上鑾駕出宮 前出宮三日本司宣攝內外各供其職守宮設從 駕之官五品以上次於承天門外東西朝堂如常 前二日太樂令設宮懸之樂於殿庭如常儀其日未明七刻槌一鼓為一嚴 三嚴時節前一日侍中奏裁 侍中奏開宮殿門及城門未明五刻槌二鼓為再嚴侍中版奏請中嚴奉禮設從駕群官五品以上位文

官於東朝堂之前西向武官於西朝堂之前東向俱
重行北上從駕群官五品以上俱集朝堂次各服其
服其六品以下並駕發之前預赴明堂所俱就次各服其服也所司陳小駕鹵簿
未明二刻搥三鼓為三嚴諸衛之屬各督其隊與鈸
戟以次陳於殿庭謁者引從駕群官各就朝堂前位
諸侍衛之官各服其器服侍中中書令以下俱詣西
閣奉迎侍中負璽如式乘黃令進金輅於西閣外南向千牛
將軍一人執長刀立於輅前北向黃門侍郎一人在
侍臣之前贊者二人又在黃門之前侍中版奏外辦
太僕卿奮衣而升正立執轡 皇帝服通天冠白紗

裏佩白玉御輿以出曲直華蓋警蹕侍衛如常儀

皇帝將出仗動太樂令令撞黃鐘之鐘右五鐘皆應
協律郎跪俛伏舉麾鼓祝奏太和之樂千牛將軍前
執轡 皇帝升輅太僕卿立授綏侍中中書令以下
夾侍如常黃門侍郎進當 鑾駕前跪奏稱黃門侍
郎臣某言請 鑾駕發引俛伏興還復位凡黃門侍
進當鑾駕前跪奏稱具 郎奏請皆
官臣某言訖俛伏興 鑾駕動又稱警蹕黃門侍
郎與贊者夾引以出千牛將軍夾輅而趨駕至太極
門偃麾戛鼓樂止出太極門鼓祝奏采茨之樂出嘉
德門戛鼓樂止凡樂皆協律郎舉麾工鼓祝
而後作偃麾戛鼓而後止 至承天

門外侍臣上馬所黃門侍郎奏稱請 鑾駕權停勅
侍臣上馬侍中前承制退稱制曰可黃門侍郎退稱
侍臣上馬贊者承傳文武侍臣皆上馬諸衛之官各
督其屬左右翊 駕在黃麾內符寶郎奉六寶與殿
中監後部從侍中中書令以下夾侍於輅前贊者在
供奉官人內侍臣上馬黃門侍郎奏稱請勅車右升
侍中前承詔退稱 制曰可黃門侍郎退復位千牛
將軍升訖黃門侍郎奏稱請 鑾駕發引退復位
鑾駕動稱警蹕鼓傳音如常鼓吹振作而行其從駕
之官在玄武隊後如常儀

讀令

其日依時刻諸衛勒所部屯門列伏及總章左箇之
庭如常先置群官俱集次各服其服 駕將至通事
舍人各引先至群官俱就門外位 駕至大次門外
迴輅南向千牛將軍降立於路右侍中進當 鑾駕
前跪奏稱侍中臣某言請降輅俛伏興還侍位 皇
帝降輅御輿之大次織扇華蓋侍衛警蹕如常儀通
事舍人引文武五品以上從 駕之官皆就門外位
太樂令帥工人就位協律郎入就舉麾位典儀帥贊
者先入就位通事舍人引群官非升坐者入就位刑

部郎中以月令置於案覆以帊令史二人俱絳公服
對舉案立於武官五品西北郎中立於案後南面侍
中版奏外辨 皇帝御輿出次曲直華蓋侍衛警蹕
如常儀入自白武門 皇帝初入門太樂令令撞蕤
賓之鐘左右五鐘皆應鼓祝作太和之樂 皇帝升
自申陛入即御坐西向坐符寶郎奉寶寘於 御坐
侍臣夾侍如常儀戛敔樂止典儀一人升立於左箇
西南北面通事舍人引公王以下入就東面位公初
入門舒和之樂作凡公行皆作舒和至位樂止群官立定典
儀曰再拜贊者承傳凡典儀有詞贊者皆承傳在位者皆再拜侍

中前跪奏稱侍中臣某言請延公王等升俛伏興又
侍中稱制曰可侍中詣左箇西南北向稱制延公王
等升堂上典儀承傳堂下贊者又承傳在位者皆再
拜通事舍人以次引東面位者各詣其陛公初行樂
作至解劔席樂止公王以下俱升席跪解劔俛伏興
脫烏通事舍人各引升立於坐後刑部郎中引案進
立於南陛下侍中跪奏請讀月令俛伏興又侍中稱
制曰可侍中退復位刑部郎中再拜就解劔席跪解
劔俛伏興脫烏取令持案者仍立於下通事舍人引
刑部郎中奉令升自酉陛詣席北南向跪置令於案

俛伏興立於席後堂上典儀唱就坐公王以下及刑部郎中並就位俛伏坐刑部郎中讀令每句一絕使言聲可了讀令訖堂上典儀唱可起公王以下皆起通事舍人引公王以下及刑部郎中俱降刑部郎中以令置於案與群官俱跪佩劍俛伏興納烏通事舍人各引還本位公初行樂作至位樂止立定典儀曰再拜在位者皆再拜通事舍人引東面位者出公初行樂作出門樂止侍中跪奏稱侍中臣某言禮畢俛伏興還侍位 皇帝興太樂令令撞黃鐘之鐘右五鐘皆應太和之樂作 皇帝降坐御輿以出之便次

警蹕侍衛如來儀出門樂止舍人引南北面位者以次出

孟秋令

孟秋之月日在翼昏建星中旦畢中其日庚辛其帝少皞其神蓐收其蟲毛其音商律中夷則其數九其味辛其臭腥其祀門涼風至白露降寒蟬鳴鷹乃祭鳥用始行戮食麻與犬其器廉以深是月也以立秋先立秋七日禮部奏曰某日立秋盛德在金 皇帝乃齋立秋之日 皇帝親帥百官迎秋于西郊還賞帥武人于朝乃命將帥選士厲兵簡練傑俊專任有

功以征不義詰誅暴慢以明好惡順彼遠方是月也
命有司修法制繕囹圄具桎梏禁止奸罪邪務搏執
瞻傷察創視審折斷決獄訟必端平戮有罪嚴斷刑
天地始肅不可以羸是月也農乃登穀 皇帝嘗新
先薦宗廟命百官始收斂完隄防護壅塞以備水潦
修宮室坏土墻垣補城郭孟秋行冬令則陰氣大勝
介蟲敗穀戎兵乃來行春令則其國乃旱陽氣復還
五穀無實行夏令則國多火災寒熱不節人多瘧疾

鑾駕還宮

皇帝既還大次侍中版奏請解嚴

將士不得
輒離部伍

皇帝

停大次一刻頃提一鼓為一嚴轉伏衛于還塗如來
儀三刻頃提二鼓為再嚴將士布隊伏侍中版奏請
中嚴五刻頃提三鼓為三嚴謁者贊引群官序立于
次前文武侍臣詣大次奉乘黃令進金輅于大次門
外南向千牛將軍立于路右侍中版奏外辦太僕卿
升執轡 皇帝御輿出繖扇侍衛警蹕如常儀 皇
帝升輅太僕卿立授綏黃門侍郎奏稱請 鑾駕發
引還復位 鑾駕動稱警蹕如常儀黃門侍郎贊者
夾引千牛將軍夾路而趨至侍臣上馬所黃門侍郎

奏稱請鑾駕權停 勅侍臣上馬侍中前承制退
稱制曰可黃門侍郎退稱侍臣上馬贊者承傳文
武侍臣皆上馬黃門侍郎奏稱請勅車右升侍中稱
制曰可黃門侍郎退復位千牛將軍升訖黃門侍郎
奏稱請鑾駕發引退復位鼓傳音 鑾駕動鼓吹
振作而還文武群官皆從如來儀 駕至承天門外
侍臣下馬所 鑾駕權停文武侍臣皆下馬千牛將
軍降立于路右訖 鑾駕動千牛將軍夾路而趨
駕入嘉德門太樂令令撞蕤賓之鐘左五鐘皆應鼓
祝奏采茨之樂至太極門夏啟樂止入太極門鼓祝

奏太和之樂 駕至橫街北當東上閣迴路南向侍
中進當 鑾駕前跪奏稱侍中臣某言請降輅俛伏
興還侍位 皇帝降輅 御輿以入繖扇侍衛警蹕
如常儀侍臣從至閣夏啟樂止初文武群官至東廟
堂通事舍人承旨勅群官並還 皇帝既入侍中版
奏請解嚴叩鉦將士各還其所

皇帝於明堂讀仲秋令

尚舍奉御設 御幄坐于總章太廟設文官解劔席
于申陞之左設武官解劔席于戌陞之右太樂令展
宮懸于總章太廟之庭設舉麾位于堂上酉陞之北

餘並如孟秋陳設之儀 鑾駕出宮並如孟秋出宮之儀

讀令

其日諸衛列伏于總章太廟之庭 皇帝升自西陛典儀一人升立于總章太廟西南侍中詣總章太廟西南稱詔刑部郎中升成陛餘並如孟秋讀令之儀

仲秋令

仲秋之月日在角昏牽牛中旦觜觶中其日庚辛其帝少皞其神蓐收其蟲毛其音商律中南呂其數九其味辛其臭腥其祀門盲風至鴻雁來玄鳥歸群鳥

養羞食麻與犬其器廉以深是月也養衰老授几杖行糜粥食飲乃命司服具飭衣服文繡有恒制有小大度有短長衣有量必修其故冠帶有常命有司申嚴百刑斬必當毋或枉撓枉撓不當反受其殃是月也乃命有司修行犧牲視全具按芻豢膳肥瘠察物色必比類量小大視長短皆中度五者備當上帝其饗 皇帝以犬嘗麻先薦宗廟是月也可以築城郭建都邑穿竇窖修囷倉趣人收斂籍務畜菜多積聚乃勸種麥毋或失時其有失時行罪無疑是月也日夜分雷始收聲蟄蟲坏戶殺氣浸盛陽氣日衰日夜

分則同度量平權衡正鈞石角斗甬凡舉大事毋逆
大數必順其時慎因其類仲秋行春令則秋雨不降
草木生榮國乃其恐行夏令則其國乃旱蟄蟲不藏
五穀復生行冬令則風災數起收雷先行草木早死

鑾駕還宮

右並如孟秋還宮之儀

皇帝於明堂讀季秋令

尚舍奉御設御幄坐于總章右箇設文官解劔席
于西陛之左設武官解劔席于亥陛之右太樂令展
宮懸于總章右箇之庭設舉麾位于堂上戌陛之北

餘並如仲秋陳設之儀 鑾駕出宮並如仲秋出宮
之儀

讀令

其日諸衛列伏于總章右箇之庭 皇帝升自戌陛
典儀一人升立于總章右箇西南詣總章右箇西南
稱詔刑部郎中升自亥陛餘並如仲秋讀令之儀

季秋令

季秋之月日在房昏虛中旦柳中其日庚辛其帝少
皞其神蓐收其蟲毛其商音律中無射其數九其味
辛其臭腥其祀門鴻雁來賓爵入大水為蛤菊有黃

華豺乃祭獸戮禽食麥與犬其器廉以深是月也申
嚴號令命百官貴賤無不務內以會天地之藏毋有
宣出乃命有司農事備收舉五穀之要藏帝籍之收
于神倉核敬必飭霜始降百工休是月也大饗上帝
于明堂草木黃落乃伐薪爲炭蟄蟲咸俯在內皆瑾
其戶乃趣決獄刑毋留有罪收祿秩之不當供養之
不宜者是月也 皇帝乃以犬嘗稻先薦寢廟季秋
行夏令則其國大水冬藏殃敗人多飢噎行冬令則
國多盜賊邊境不寧土地分裂行春令則暖風來至
人氣解惰師興不居

鑿駕還宮

右並如仲秋還宮之儀

大唐開元禮卷第一百二
嘉禮

皇帝於明堂讀孟冬令

皇帝於明堂讀仲冬令

皇帝於明堂讀季冬令

皇帝於明堂讀孟冬令

禮部尚書先讀令三日奏讀月令承以宣告前三
日尚舍直長施大次于玄武門道西東向尚舍奉御
設御坐守宮設文武侍臣于大次之後文官在左武
官在右俱東向設群官次于墜水北門之外文官在

西武官在東俱南上前一日尚舍奉御設御幄坐于
玄堂左箇近南北向守宮設三品以上及諸司長官
坐于堂上文官于 御坐西北東向武官于 御坐
東北西向俱重行南上無長官者次官一人升設刑
判官不合也
部郎中讀令坐于 御坐東北西向有案設文官解
劔席于成陞之左設武官解劔席于子陞之右皆內
向太樂令展宮懸于玄堂左箇之庭設舉麾位于堂
上亥陞之東西向一位于樂懸西北東向典儀設三
品以上應升坐者位于懸北文左武右俱重行南向
相對爲首設非升坐者位文官四品五品位于懸西

六品以下于其北絕位俱東向武官四品五品于懸
東六品以下于北當文官俱西向皆重行南上設典
儀位于懸之西南贊者二人在北差退俱東奉禮設
門外位各于次前俱每等異位重行相向南上
鑾駕出宮 前出宮三日本司宣攝內外各供其職
守宮設從駕之官五品以上次于承天門外東西朝
堂如常儀前二日太樂令設宮懸之樂于殿庭如常
儀其日未明七刻搥一鼓爲一嚴三嚴時節前一侍
日侍中奏裁
中奏開宮殿門及城門未明五刻搥二鼓爲再嚴侍
中版奏請中嚴奉禮設從駕群官五品以上位文官

于東朝堂之首西向武官于西朝堂之前東向俱重
行北上從駕群官五品以上俱集朝堂次各服其服
其六品以下並駕發之前預赴明堂所俱就次各服其服也所司陳小駕鹵簿未
明二刻植三鼓為三嚴諸衛之屬各督其隊與鈸戟
以次入陳于殿庑謁者引從駕群官各就朝堂前位
諸侍衛之官各服其器服侍中中書令以下俱詣西
閣奉迎侍中負式乘黃令進金輅于西閣外南向千牛
將軍一人執長刀立于路前北向黃門侍郎一人在
侍臣之前贊者二人又在黃門之前侍中版奏外辨
太僕卿奮衣而升正立執轡 皇帝服通天冠黑紗

袞佩玄玉御輿以出曲直華蓋警蹕侍衛如常儀

皇帝將出伏動太樂令令撞黃鐘之鐘右五鐘皆應

協律郎跪俛伏舉麾鼓祝奏太和之樂千牛將軍前

執轡 皇帝升路太僕卿立授綏侍中書令以下夾

侍如常儀黃門侍郎進當 鑾駕前跪奏稱黃門侍

郎臣某請 鑾駕發引俛伏興退復位凡黃門侍郎

鑾駕前跪奏稱具鑾駕動又稱警蹕黃門侍郎與贊

臣某言訖俛伏興者夾引以出千牛將軍夾路而趨駕至太極門偃麾

夏鼓樂止出太極門鼓祝奏采菽之樂出嘉德門夏

鼓樂止凡樂止皆協律郎舉麾工鼓至承天門外侍

祝而後作偃麾夏鼓而後止

臣上馬所黃門侍郎奏稱請鑾駕權停勅侍臣上馬侍中前承制退稱制曰可黃門侍郎退稱侍臣上馬贊者承傳文武侍臣皆上馬諸侍衛之官各督其屬左右翊駕在黃麾內符寶郎奉六寶與殿中監後部從侍中中書令以下夾侍于路前贊者在供奉官人內侍臣上馬畢黃門侍郎奏稱請勅車右升侍中前承制退稱制曰可黃門侍郎退復位千牛將軍升訖黃門侍郎奏稱請鑾駕發引退復位鑾駕動稱警蹕鼓傳音如常鼓吹振作而行其從駕之官在玄武隊後如常儀

讀令

其日依時刻諸衛勒所部屯門列仗及立堂左簡之庭如常先置群官俱集次各服其服駕將至通事舍人各引先置群官俱就門外位駕至大次門外迴路東向千牛將軍降立于路左侍中進當鑾駕前跪奏稱侍中臣某言請降路俛伏興還侍位皇帝降路御輿之大次繖扇華蓋侍衛警蹕如常儀通事舍人引文武五品以上從駕之官皆就門外位太樂令帥工人入就位協律郎入就舉麾位典儀帥贊者先入就位通事舍人引群官非升坐者入就位刑部

郎中以月令置于案覆以帕令史二人俱絳公服對
舉案立于武官五品東北郎中立于案後西面侍中
版奏外辨 皇帝御輿出次曲直華蓋侍衛警蹕如
常儀入自玄武門 皇帝初入門太樂令令撞蕤賓
之鐘左五鐘皆應鼓祝奏太和之樂 皇帝升自亥
陞入即 御坐北向坐符寶郎奉寶置于 御坐侍
臣夾侍如常儀戛鼓樂止典儀一人升立于左箇西
向東面通事舍人引公王以下入就南面位公初入
門舒和之樂作凡公行皆和公至位樂止群官立定典
儀曰再拜贊者承傳凡典儀有詞在位者皆再拜侍

中前跪奏稱侍中臣某言請延公王等升俛伏興又
侍中稱 制曰可侍中詣左箇西北東面稱 制延
公王等升堂上典儀承傳堂下贊又承傳在位者皆
再拜通事舍人以次引南面位者各詣其陞公初行
樂至作解劔席樂止公以下俱升席跪解劔俛伏興
脫烏通事舍人各引升立于坐後刑部郎中引升案
進立于子陞下侍中跪奏請讀月令俛伏興又侍中
稱 制曰可侍中退復位刑部郎中再拜就解劔席
跪解劔俛伏興脫烏取令持案者仍立于下通事舍
人引刑部郎中奉令升自子陞詣席東西向跪置令

于案俛伏興立于席後堂上典儀唱就坐公王以下及刑部郎中並就坐俛伏興刑部郎中讀令每句以一絕使言聲可了讀令訖堂上典儀唱可起公王以下皆起通事舍人引公王以下及刑部郎中俱降刑部郎中以令置于案與群官俱跪佩劔俛伏興納烏通事舍人各引還本位公初行樂作至位樂止立定典儀曰再拜在位者皆再拜通事舍人引南面位者出公初行樂作出門樂止侍中跪奏稱侍中臣某言禮畢俛伏興侍位 皇帝興太樂令令撞黃鐘之鐘右五鐘皆應太和之樂作 皇帝降坐御輿以出之

便次警蹕侍衛如來儀出門樂止通事舍人引東西面位者以次出

孟冬令

孟冬之月日在尾昏危中旦七星中其日壬癸其帝顓頊其神玄冥其蟲介其音羽律中應鐘其數六其味鹹其臭朽其祀行水地始凍雉入大水爲蜃虹藏不見食黍與蕝其器鬲以奄是月也以立冬七日禮部奏曰某日立冬盛德在水 皇帝乃齋立冬之日 皇帝親帥百官迎冬于北郊還賞死事恤孤寡是月也察阿黨則罪無有掩蔽天氣上騰地氣下降

天地不通閉塞而成冬命百官謹蓋藏命有司循行
積聚毋有不斂坏城郭戒門閭修鍵閉慎管籥固封
疆備邊境完要塞謹關梁塞蹊徑飭喪紀辨衣裳審
棺槨之薄厚塋丘壟之大小高卑薄厚之度貴賤之
等級是月也命工師効功陳祭器案度程毋或作為
淫巧以蕩上心物勒工名以考其誠功有不當必行
其罪以窮其情是月也乃命虞司收水泉池澤之賦
毋或敢侵削衆庶其有若此者行罪毋赦孟冬行春
令則凍閉不密地氣上洩人多流亡行夏令則國多
暴風方冬不寒蟄蟲復出行秋令則雪霜不時小兵

時起土地侵削

鑾駕還宮

皇帝既還大次侍中版奏請解嚴

將士不得
輒離部位皇帝停

大次一刻頃掙一鼓為一嚴轉伏衛于還塗如來儀

三刻頃掙二鼓為再嚴將士布隊伏侍中版奏請中

嚴五刻頃掙三鼓為三嚴謁者贊引各引群官序立

于次前文武侍臣詣大次奉迎乘黃令進大路于大

次門外東向千牛將軍立于路右侍中版奏外辨太

僕升執轡 皇帝御輿出次繖扇侍衛警蹕如常儀

皇帝升路太僕卿立授綬黃門侍郎奏稱請鑾駕發

引退復位 鑾駕動稱警蹕如常儀黃門侍郎贊者
夾引千牛將軍夾路而趨至侍臣上馬所黃門侍郎
奏稱請 鑾駕權停勅侍臣上馬侍中前承詔退稱
制曰可黃門侍郎退稱侍臣上馬贊者承傳文武
侍臣皆上馬畢黃門侍郎奏稱請 勅車右升侍中
稱 制曰可黃門侍郎退復位千牛將軍升訖黃門
侍郎奏稱請 鑾駕發引退復位鼓傳音 鑾駕動
振作而還文武群官皆從如來儀 駕至承天門外
侍臣下馬所 鑾駕權停文武侍臣皆下馬千牛將
軍降立于路右訖 鑾駕動千牛將軍夾路而趨

駕入嘉德門太樂令令撞蕤賓之鐘左五鐘皆應鼓
祝奏采茨之樂至太極門夏啟樂止入太極門鼓祝
奏太和之樂 駕至橫街北當東上閣迴路南向侍
中進當 鑾駕前跪奏稱侍中臣某言請降路俛伏
興還侍位 皇帝降路御輿以入繖扇侍衛警蹕如
常儀侍臣從至閤夏啟樂止初文武群官至東朝堂
通事舍人承旨勅群官並還 皇帝既入侍中版奏
請解嚴叩鉦將士各還其所

皇帝於明堂讀仲冬令
尚舍奉御設 御幄坐于玄堂太廟設文官解劍席

于亥陞之左武官解劍席于丑陞之右太樂令展宮
懸于玄堂太廟之庭設舉麾位于玄堂上陞之東餘
並如孟冬陳設之儀 鑾駕出宮並如孟冬出宮之
儀

讀令

其日諸衛列仗于玄堂太廟之庭 皇帝升自子陞
典儀一人升立于玄堂太廟西北侍中詣玄堂太廟
西北稱制刑部郎中升自丑陞餘並如孟冬讀令之
儀

仲冬令

仲冬之月日在斗昏東壁中旦軫中其日壬癸其帝
顛頊其神玄冥其蟲介其音羽律中黃鐘其數六其
味鹹其臭朽其祀行水益狀地始坼曷旦不鳴食黍
與羸其器闕以菴飭死事命有司土事毋作毋發室
屋及起大衆以固而閉地氣沮洳是謂發天地之房
諸蟄則死人必疾疫是月也命內侍申宮令審門閭
謹房室必重閉省婦事毋得淫巧雖有貴戚近習無
有不禁乃命良醞秫稻必齊麴蘖必時湛熾必潔水
泉必香陶器必良火齊必得兼用六物毋有差貸是
月也日短至陰陽爭諸生蕩君子齋戒處必掩身身

欲寧去聲色禁嗜欲安形性事欲靜以待陰陽之所
定芸始生荔挺出蚯蚓結麋角解水泉動日短至伐
木取竹箭是月也可以罷官之無事去器之無用者
塗闕庭門閭築園囿以助天地之閉藏是月也 皇
帝觀講武以習五戎仲冬行夏令則其國乃旱氛霧
冥冥雷乃發聲行秋令則天時雨汁瓜瓠不成 國
有大兵行春令則蝗蟲爲敗水泉咸竭人多疥癩

鑾駕還宮如孟冬之儀

皇帝於明堂讀季冬令

尚舍奉御設 御幄坐于立堂右箇設文官解劔席
于子陛之左設武官解劔席于寅陛之右太樂令展
宮懸于立堂右箇之庭設舉麾位于堂上丑陛之東
餘並如仲冬陳設之儀 鑾駕出宮並如仲冬出宮
之儀

讀令

其日諸衛列伏于立堂右箇之庭 皇帝升自丑陛
典儀一人升立于立堂右箇西北侍中詣立堂右箇
西北稱 制刑部郎中升自寅陛餘並如仲冬讀令
之儀

季冬令

季冬之月日在婺女昏婁中旦氐中其日壬癸其帝
顓頊其神玄冥其蟲介其音羽律中大呂其數六其
味鹹其臭朽其祀行雁北鄉鵲始巢雉鳴雞乳食黍
與彘其器鬲以庵命有司大儼征鳥厲疾是月也命
漁師始漁 皇帝乃嘗魚先薦宗廟水方盛水澤腹
堅命取水命衆度出五種計耦事修耒耜具田器命
太常大合吹習衆樂命司農收秩薪柴以供郊廟及
百祀之薪燎是月也日窮于次月窮于紀星迴于天
數將幾終歲且更始專汝農人毋有所使 皇帝乃

與有司共飭國典論時令以待來歲之宜季冬行秋
令則白露早降豕蟲爲妖四鄙入保行春令則胎夭
多傷國多固疾命之曰逆行夏令則水潦敗國時雪
不降水凍消釋

鑾駕還宮如孟冬之儀

大善國...


...

...

...

...

...



卷一